

ዐሰብ፡ ሽዑብ ለሰርግሉ ወራታት ዐማር እግለ እብ ሕኩመት ለልሽቄ ለረሽድቱ ትብህል



እብ መቅደረት ሽዑብ ለልትሰርግል በራምጅ ዐማር፡ እግለ እብ ሕኩመት ለልትሰርግል እስትራቴጂያይ በራምጅ ዐማር ለረሽድ ሰበት ቱ እብ መትሐሳር እግል ልትከደም እሉ ክምሰል ወጅብ ወዚር እዳረት አቃሊም አሰይድ ወልዴንክኤል አብርሀ እት የም 17 አፕሪል እት መዲነት ዐሰብ ቃዐት ብሊንኩማ እተ ወደዩ ሰሚናር ሸርሐ።

እቱ እግል መስኡሊን አጅህዘት ሕኩመት ወጅብህት ክምሰልሁመ ቃደት ዲሽ ወወካይል ሽዑብ ለሀብዩ ሸርሐ ወዚር ወልዴንክኤል፡ እብ መባደረት መዕዩ ለልትሰርግል በራምጅ ዐማር፡ እግል ዝያድ ሰርግል ወሰፋየት እብ ሕፍዝ እግል ልተሌ ክምሰል ወጅቡ፡ እትሊ መጃል እሊ

ህዩ ክለን አጅህዘት ሕኩመት ዶረን እግል ለአዚደ አትፋቀደ።

አደቀቦት ሰልጠት ሽዑብ፡ ምስል አደቀቦት እዳራት፡ አጅህዘት ሕኩመት ወጅብህት ለልትጸበዋ እት ገብኡ፡ አደቀቦት ናይለ አሳሰ ናይ ክሉ በራምጅ ላቶም እብ መዕዩ ለተሐረው እዳርዩን እዳራት ደዋይሕ፡ ልጃን ደገጊት ወመሓክም ደገጊት ለሰዴ ርቱብ ወትሉሉይ በራምጅ ክምሰል ህለ እት ሸርሐ ህዩ፡ እት ተጠወር መዕዩ ዶር ዐቢ ለለአገዴ መጃልሰ ሽዑብ፡ እብ ድግማን ሕፍዝ እንዴ ገአ እቱ እበ ተአደምዕ ገበይ እግል ልትክደም ልትሸቄ እሉ ክምሰል ህለ ወደሐ።

ወዚር ወልዴንክኤል እንዴ አትሉ፡ ንዳል እግል እስትቅላል ለሰርግል ሰዋልፍ፡ እብ ድግማን ታክያት

በራምጅ ዐቦት ወመትቀዳም ወጠን እንዴ ገአ ሰበት ትረተብ፡ እት ሄራር ሰርግል በራምጅ ዐማር ዶር ዐቢ ለአገዴ ክምሰል ህለ እት ሸርሐ፡ ግም ሐዲስ እብ ዋጅብ እግል ልውረሰ፡ ክል ዕዱ ሙጅተመዕ እብ ዋጅብ እግል ልሸቄ እቡ ትላክ።

መመቅረሓይ ሸቁል እዳረት አቅሊም ግብለት በሐር ቀየሕ ሰፊር መሐመድ ሰዲድ መንታይ እብ ተረቱ፡ እትለ ሰነት እለ እት ፈዳልየት እንቡት ለህለ ወእግል ለአንብት ሰቱት ለህለ ዐባዩ በራምጅ ዐማር፡ እብ መሻረከት ወአትመቃረሐት ክምሰል ልትከደም እሉ አከደ።

መሸተርከት እብ ተረቶም፡ በራምጅ ዐማር እግል ልትሰርግል ዝያድ ክምሰል ከድሞ አከደው።

“ኩልየት ዓፍየት አሰመረ እት ዐቦት ትሄርር” ደክቶረት ግደይ

ኩልየት ዓፍየት አሰመረ፡ ሰብ መቅደረት ዓፍየት ብቅዓም እንዴ አፍሬት ለህለ ጠለባት መአሰሳት ዓፍየት እግል ተአትምም ጅህድ ትሩድ ትወዴ ክም ህሌት ዐሚደትለ ኩልየት ዶክቶረት ግደይ ገብረሃንሰ እግል ኤሪን ሐበረት።

ዲበ ኩልየት ለልትሀየብ ምህሮ እብ ፍዕል ለትተለ ክም ቱ እንዴ ሐበረት ዶክቶረት ግደይ፡ ለእብ ብቅዓም ወተጃርብ ለቦም ሙደርሲን ለልትሀየብ ምህሮ፡ ደረሰ እብ መትሐሳር ሰበት ታብዕው፡ ለፍገራት ለትትሐመድ ክም ተ ሐበረት።

ደረሰ ቀደም መድሐራቶም ተጃርብ ሸቅል እግል ልክሰቦ፡ ዲብለ ትፈናተየ እስብዳልያት ወመአሰሳት ዓፍየት ብዕድ፡

እተክምሰልሁመ ወጠንያይ ለቦራቶሪ ወባንከት ደም እብ ፍዕል ክም ደርሶ እንዴ ሸርሐት፡ ደረሰ ዲብለ እንዴ ትሐሰረው ከሱቡ ለህለው አምን ዲብ አድመፍት ዓፍየት ሙጅተማዕ እብ ፍዕል ክም ሸቁ ክም ትደምን ሸርሐት።

እምበል እሊ መጋድዕት

መክተበት ናይለ ኩልየት እግል አርትቦት ወጽበጡ እግል ጠወሮት መዓወነት መክተበት ዲጂታል ሮረ እበ ገብአ ጅህድ፡ ደረሰ እብ ቀሊል እግል ልትነፍዖ እቡ ለቀድሮ አክትበት ዋውር ዱሉይ ሰበት ህለ፡ ዲብ ድራሰቶም ለለአትናይት ጋብእ ክም ህለ አፍህመት፡



ተእሂል መታብዐት ደረር አድውየት ተ'መ

ዲብ ፋንዱቅ አሰመረ ፓላስ ምን የም 10 ኦብሪል እንዴ አምበተ ገብእ ለዐለ ምን 17 ድወል ለመጽአው ሰብ መቅደረት ለሻረከው ዲቡ፡ ዲብ መታብዐት ደረር አድውየት ለረከዘ ናይ መንጠቀት ተእሂል የም 15 ኦብሪል ተመ።

ዲበ እብ መዓወነት ውዛረት ዓፍየት፡ እድንያይት መንዘመት ዓፍየት ውብዕዳም ሰብሸርከት እንዴ ትንዘመ፡ እት ዐለም እሙራም ሰብ መቅደረት ለሀበው ተእሂል፡ ደረር አድውየት እግል ራቀቦት ፍንጌ ድወል እግል ለህሌ እብ ሰበትለ ወጅቡ መዓወናት፡ ተጃርብለ ትፈናተየ ድወል ዲብ መታብዐቱ፡ ወዲብ ጠወሮት መቅደረት አዳም ውብንየት መአሰሳት ለልብል

መታብዐት ደረር አድውየት ወመሻክሉ ናይ ሕበር መፍሁም እግል ለህሌ እግልን፡ በዓቃዐት መአሰሳትን ለልዓብየ እበ አርድየት ዲብ አዋፍሐት ለሰዴ ክምዐለ እንዴ ሐበረ፡ ኤረትርየ እሊ ተእሂል ፍንቱይ እግል ትትሐደር ምን ቀድረት ፡ ለወራታተ ወመቅደረት አዳመ ዲብ ተዐቢ ትመጽእ ለህሌት ውሕደት መታብዐት ደረር አድውየት ለለአትናይት ክም ቱ ሸርሐ።

ዲብ እሊ ተእሂል ምን ሱዳን፡ ኬንያ፡ ብሩንዲ፡ ግብለት ሱዳን፡ ኬፕ-ሸርዴ፡ ታንዛንያ፡ ዚምባብዌ፡ ሞሮኮ፡ ጋና፡ ናይጀርያ፡ እማራት፡ አፍጋንስታን፡ ታይላንድ፡ ሸዌደን፡ አሜርካ፡ ስዊዘርላንድ ወነዘርላንድስ ለመጽአው ሰብ



አርእስ ናይ ሕበር መፍሁም እግል ልትከለቅ ተህደገ እቱ።

እምበል እሊ፡ ብንየት ንዛም መራቀብት ናይ በቃዐት ለአለቡ ወናይ ሐሰት አድውየት፡ አዳለየት ዲብ መታብዐት ደረር አድውየት ለሰዴ ንዛም ሐብሬ፡ ሳሪዮትለ ደረረ ወህቱ ለሰብቡ መሻክል፡ ዶር ሰብ መቅደረት ዲብ ወቀሎት ፈሀም ዋጅብ መትነፋዕ አድውየት፡ ቀየሞት በቃዐት መአሰሳት ደወ፡ አህምየት ድራሰት ውብሐሱ ዲብ አክዶት ደማነት ፍድኢት ዲበ ልብል አርእስ እብ ሰብ መቅደረት ተውድሕ ትሀየቡ።

ዲብ ውዛረት ዓፍየት ሙዲር ወጠንያይ ራቀቦት አድውየት ወነብረ አሰይድ እያሱ ባህተ ዲበ አሰምዐየ ናይ መድብእ ከሊመት፡ ለተእሂል፡ ሙሸተርከት ድወል ዲብ

መቅደረት ሻረከው።

ሙሸተርከት፡ ክም ክፋል ናይለ በርናምጅ የም 16 ወ17 አፕሪል ዲብለ ትፈናተ ድዋራት ዐድነ ጀውለት ወደው ወእብለ ፍንቱት ብዝሕት ለረክበው እቱ አርዛቅ ሰያሐት ኤረትርየ ወመትሐድራይ ጋሽ ሸዐበ ተዐጀበው።

ዲብ ናይ አሰመረ - ባጽዕ ሰፈሮም ለአዳወረው ሓለት ጀው ወመካሪት አርድ፡ አህምየት ታሪክ ለቡ መባኒ ወድዋር ነዲፍ ለመልክ ግንራራብ በሐር፡ እት ለበዝሓ ድዋራት ዐለም ለኢልትረከብ ክምቱ አፍህመው። ለረአወ ሰላም ወመስኩበት፡ አሳሰ እሊ ሕሹም ሰዋልፍ ሙጅተመዕ ኤረትርየ ክምሰልቱ አጊድ ክም ፈሀመወ እት ወድሐ ህዩ፡ እንዴ ተሐፈዘ እግል መዋዋኒን ብዕዳት ድወል ደርሰ ዐቢ እግል ልግበእ ሰእየቶም ሸርሐው።

ቅ/በ/ቀየሕ: እጅጉም መጽልሰ ገብእ



መጽልሰ አቅሊም ቅብለት በሐር ቀየሕ” ዲመ እግል ዐማር ወመዳፍዐት ዱልዳም” እበ ትብል ስቅራት 13ይ ርቱብ እጅጉም ዲብ ዮም 12 ወ13 ኣብሪል ዲብ መዲነት ባጼዕ ሰርገለ።

ርኢስ መጽልሰ አሰይድ እብራሂም ዐሊሼክ ዶር ሸዐብ ዲብ በራምጅ ዐማር፡ መትከምካም ደገጊት ወሄራሩ ኣደቀቦት እተይ፡ ሕርያን እዳርዩን ወብዕድ ለከሰሰ ተወድሕ ሀበ።

እምበል እሊ አሰይድ እብራሂም፡ ኣትሳናይ ለገብእ ዲብ ቀዋኒን ኣግቡይ ኣትመቃርሐት ኣርድ ወፍዓልዮቲ ብዓየት ትሕትየት ሐርሱ ፈርያት ዓሰ ወሐርሱ ከደማት

ዓፍየት ወተዐለም፡ ኣትሳናይ ለከርበ ኣግቡይ፡ ሕፍዝት ማይ ወትርበት ወሸትል፡ እተክምሰልሁመ ኣድመየት ከደማት ማይ፡ ዲብ ሰነት 2015 ምነ ትሰርገለ ወልሰርገል ለሀለ በራምጅ ክም ቱ ሸርሐ።

ኣንፋር መጽልሰ ዲብ ትቀደመ ተቅሪር ሐቀለ ወደው ህድግ፡ እተይ እግል ልዕቤ ኣግቡይ ጽብጠቱ እግል ልዕኔ መምርሕ ዋድሕ እግል ለሀለ፡ ርዝቅ ዕጩይ እግል ኣደመየት በዲል ጣቀት መትሐሳር እግል ልትህየቡ ለልብል ወብዕድ ኣራእ ቀደመው።

እምበል እሊ፡ ፈዓልየት በራምጅ ዐማር እግል ኣደቀቦት፡ ዲብ ሸዐብ ለገብእ ኣትፋዝያት እግል

ልትደቀብ፡ እብ ውሒዝ ካርብ ለሀለ ዐግምት እብ ሰዳይት ማሸነሬ እግል ልትሸቁ፡ እግል ሀወየት ቀለ ገብእ ለጸንሐ ጅህድ እበ ትወቀለት እግል ለኣተላሌ ኣትፋቀደው።

ኣክመት አቅሊም ቅብለት በሐር ቀዳሕ ኣሰይድ ጸጌሬደ ወልደገርጊስ እት መድብኢል እጅጉም ዲብ ኣስምዐተ ከለመት፡ መሸረከት ሸዐብ ዲብ ክሉ ልሰርገል ለሀለ በራምጅ ዐማር እግል ትዘድ ገብእ ለሀለ ወራታት እብ ጅህድ ሕበር እግል ለኣተላሌ እንዴ ኣትፋቀደት፡ ዲብ ከደማት እጅጉምዕየት ለሳድፍ መጋድዕት ሐል እግል ልርከብ እዳረት አቅሊም እበ ትወቀለት እግል ትክደም እሉ ከም ተ ኣከደት።

ቀጠር፡ እጅጉም መዳፈዐት ገብእ

ኤረትርዩን ሰካን ቀጠር፡ “ዮመ ክመ እት ማሌ መዳፍዐት” እበ ትብል ስቅራት ዲብ ዮም 15 ኣብሪል እጅጉም መዳፍዐት ሸዐብ ወደው።

ሰፊር ኤረትርዩ ዲብ ደውለት ቀጠር ኣሰይድ ዐሊ እብራሂም ኣሕመድ፡ መዳፍዐት ሸዐብ ኤረትርዩ ሐቴ እብ መርሐለተ እብ ተፋሲል ሐቅ ቀደመ፡ ሰራት ኤረትርዩ እግል

ኣክፍኣት ገብእ ለሀለ ሐምላት፡ ኤረትርዩን ሰካን ቀጠር ፈዛዐቶም እንዴ ዓበው እብ መትከም ትሩድ እግል ልታብዕው ወናይ ኣማን ሰራት ዐዶም እግል ልሸርሐ ክም ወጅብ ሸርሐ።

መሸተርከት ዲብ ደንጎበ፡ ዲብ ሰርገል በርናምጃት ወጠን ዶሮም እግል ለዓቡ ከም ቶም ኣከደው።



ኣየርላንድ፡ ሰለሞት ውራቅ ሸቅል ሰፊር

ሰፊር ኤረትርዩ ዲብ ብሪጣንያ፡ ወኣየርላንድ ኣሰይድ እስቲፋኖስ ሃብተማርያም፡ ዲብ ዮም 12 ኣብሪል ውራቅ ሸቅሉ እግል ርኢስ ኣየርላንድ ማይክል ሂግንስ ሰለመ።

ዲብ ዓደት፡ ሰፊር እስቲፋኖስ፡ ልእከት ወትምኔት ርኢስ እስያስ ኣፍወርቂ ሐቅ ኣብጽሐ፡ ሸዐብ ኤረትርዩ ወሕኩመቱ ምስል ሸዐብ ወሕኩመት ጀምሁርየት ኣየርላንድ ሸራከት እንዴ ከልቀ ዕላቀት ትርድት እግል ተሀሌ

እግሉ ከም ለሐዙ ወከም ከድሞ ሸርሐ።

ርኢስ ማክይል ሂግንስ እብ ጀሁቱ፡ ሸዐብ ወሕኩመት ኤረትርዩ ዲብ ሄራር ዐማር ወሰላም ሰጁላ ለህለው ዐቦት ከም ልትዐጀብ እበ እንዴ ሐበረ፡ እግል ርኢስ እስያስ ኣፍወርቂ ዓፍየት ታመት ወእግል ሸዐብ ኤረትርዩ መትቀዳም ሐቅ ትተምነ እግል ኣከዶት ሰላም ወዐቦት ዐዱ ምስል ኤረትርዩ እግል ትክደም ከም ትቀድር መዳላየ ኣከደ።

ጀውለት ሸዕለት እስትቅላል ዲብ ጋሹበርክ ልተላሌ

ዲብ ዮም 15 ጃንዋሪ ምን ነቅፈ ለትበገሰት ሸዕለት እስትቅላል፡ ዲብ ሳልሳይ ወርሐ ወናይ 4ይት ሳምን ሄራረ ዲብ ኣቅሊም ጋሹበርክ፡ ምዴርያት ባንርቶ፡ መገሎ፡ ኣቁርዶት፡ እንዴ ሐልፈት ዮም 15 ኣብሪል መርከዝ ምዴርየት ድጌ ላተ ሞጎራይብ ኣቴት።

ዲብ ሐልፈት ሳምን መዲነት ባርንቶ ዲብ ኣቴ እተ ኢነት፡ ዐስርታት ኣላፍ ሸዐብ ወሸቃሉ፡ እብ ሰስዒት ዓዳት ወኣሲራር ዴሽ ወደረሰ ከብቱ ናይረት ገብኣት እግል።

ዲብ ምዴርየት መገሎ፡ ዲብ ኮፈረንኮ ወኣረዳ እብ ፍርቀት ዓዳት ቆምየት ናረ ለትተሌት

ሕሸመተ ለትሸርሕ በርናምጅ ትቀደመ።

ሸዕለት እስትቅላል መገሎ ዲብ ኣቴት ዲብ ኢነት፡ እግል ከብቱህ ዲብ ገብኣት ዓደት፡ መዲር ምዴርየት መገሎ ኣሰይድ ዐስማን ዐረፈ፡ ሸዐብ ባካት ዲብ መደት ወራራት መስተዕምረት ትግራይ ወኣምሐረ እብ ሚርሐት ሼክ ኣረይ ዐገበ ንዳል ከም ወደ፡ ዲብ ሰነት 1985 ወ1987 ህዩ ጀብህት ሸዐብየት ዲብ ባካት ለወዴቱ መግርክ፡ ሰሙድ ወመትሰባል ሸዐብ ኤረትርዩ ለወድሐ ክም ዐሊ እንዴ ሐበረ፡ ጀውለት ሸዕለት እስትቅላል እሊ ታሪክ ቃሊ ለተኣርኤ ክም ተ ሸርሐ።

ዲብ መዲነት ኣቁርዶት ዲብ ገብኣት ዓደትመ፡ መመቅረሓይ ሸቅለ ምዴርየት ኣሰይድ እስማዒል ዐብደሊ ዲብ ኣስምዐየ ከለመት፡ ኣባይ መርባት ፈለሉ እግል ልትፈዴ ዲብ ዮም 9 ማርስ ሰነት 1975 ዲብ ሰካን ኣቁርዶት ለጀረ እብ “ሰንበት ጸላም” ለልትኣመር ጀራይም፡ ዲብ ሐቴ ኢነት 370 መዋዋኒን ከም ረሸነ ወቅያስ ለኣለቡ ማል ከም ደመረ ሐበረ።

ዮም ሞጎራይብ እተ ኣቴ ዲብ ኢነት፡ ምዴርሊ ምዴርየት ኣሰይድ ሁመድ ኤሊ፡ ኣባይ ሸዐብን እግል ለኣብርክ ለወደዩ ጀራይም ወመዳፍዐት ሸዐብን እንዴ ዘክረ፡ እብ ፍንቲት ኣፍህምቦል፡ ሚርሓይ ንዛም ደርግ ለዐሊ፡ ኮሎኔል መንግስቱ ሀይለማርያም፡ ጀብህት ሸዐብየት እግል ለኣብዴ እብ ቀይሕ-ኮከብ ለልትኣመር 6ይ ወራር እንዴ ኣትበገሰ፡ እግል ዴሹ እጅጉም ለወደ ዲብ ወመትፋዋሽ ፋሽል ለኣስምዐ ዲብ ክም ተ ሸርሐ።

ለተሌ ሄራር ሸዕለት እስትቅላል ዲብ ፎርቶ-ሳወ ወመዐስከር ሳወ ናይ 143 ኪሎምትር ዲብ ገብኣ፡ ዮመቱ ዮም 20 ኣብሪል ዲብ ከርከበት እተ ትገብእ ዓደት ኣቅሊም ዐንሰበ እግል ልትሰለማቲ።

ጸገር፡ ጸገር

ክል ኣርቡዕ ለትጠብቦ ጀሪደት

መዳልያይ፡

መሐመድ እድሪስ መሐመድ

ናይብ መዳልያይ፡

ኣድም ሳልሕ (ኣቡሐሪሽ)

ለይ-ኣውት፡

ፋጥና ኣደም-ዛህራ ዓሊ

ተለፎን፡ 121797

ፋክስ፡ 127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 200454

ኣትኣመርት፡

ተለፎን፡ 125013፡ ዕ.ሰ.ቡ፡ 1284

E-Mail: tigreit@zena.gov.er



ድርት ልቦ እንዴ ተዐመመ
ሄዶ ወዴት ወሀራብጠት

አነ በዴኮ አነ በዴኮ
እት ጽልመት ተረፍኮ
ቀዳም-ሰኔት እግል ምን
ሐደግከኒ
ሐሪራይ ነዐ ሸበበኒ
ዎድሬይ አርውሕ ብለሰ።
አፎ ክእነ በዴከ ምን
ቀለሰ
እንቤዕ እምከ ትጃምም
ወኢትትክለሰ

አርሄት እብ እንክራ
መጦር ወለተ ተሮክያይት
ወቀለት። እተ ዕያደት ለዐለየ
መምርዳት ክለን እት ረአሰን
ተአከበየ። አዳም ሰበት ረብሸየ
እብ ሐለት በረ አፍገረያሀን።
እተ ከደነን አምዕል እብ
ግዲደ ድንግሔ እንዴ ወድየ
ወዐለየ።

ዶክቶር ሰለሙን ረአሱ
ትሸረበ። ለዐመልየት ክብድት
ሰበት ዐለት ወቅት ትሩድ
ነሰአት። አርሄት ወድርት
ሰአየት እንዴ በትከየ እብ
ብካይ ሲቅ እት ወድየ።
ዶክቶር ሰለሙን እንዴ ሸበ።
“ድርት እተይ ወዐመቼ ዲቡ
ትጽነሕ” ቤለየን።

ድርት እብ ፈርሀት እንዴ
ተሀራብዋ አቲት። መንሱር
ምን ዐመልየት እንዴ ፈግረ
ዲበ ዐመልየት ለወደው
አንፋር ለጸንሐ እተ ቅርፈት
ጸንሐየ። እንዴ ኢትፈዋን
ሀርበጠት ዲቡ። ሰዐመቱ
ወእግል ትባልሱ ጀረበት።
እት ረአሱ ለዐለት መመርደት
“እብ ቅሩትኪ ሀናጊሉ ለጅነ።
ዐመልየት ዋዲ ክምሰል ሀለ
ኢትአምራ። ዲብ እሊ ክርሲ
ትገይሰይ ኢትቅሬቡ። ምነ
ጎርኪ አተቃቢሉ” እት ትብል
ምብላሰ ሕፍን በልሰት ዲበ።
ድርት እት መንሱር ልብ
ክምሰል ከሬት። እት ቅያብ
ዲብ እንቱ ጸንሐየ። ዕንታቱ
ኢገንሕ። አፋሁ ኢልትሃጌ።
ገሮቡ በንበን ኩሩይ ዲብ
እንቱ ርኤቱ። እምበለ እብ
ቅሩተ “ጠቅ። ጠቅ” ትብል
ለዐለት ቅዋረት ናይለ ደርብ።
ሕሰ ናይ መንቀዋ ኢሰምዐት።
“ወልዬ ሞተ። ወልዬ ሞተ።
ዎይ አነ ሐገልኮ። እንሻለ
ዐመልየት ኬር ኢትግበእ!”
እተ ረአሱ እግል ተሀራብዋ
ሐዜት። ለመመርደት እግል
ድርት እንዴ ጸብጠት በረ
አፍገረተ።

አርሄት ብካይ ድርት
ክምሰል ሰምዐት እግለ
ዋርድየት እንዴ ደረከት እት
ትሰዔ እተ ቅርፈት አቲት።
እት መንሱር እንዴ ደነት
መተቅ እብ ሰዕመት አበለቱ።
እንዴ ቀንጸት “የሀው ርድእዉ

አርዌሕ ብዲቡ። ለአተንፍሰ
ሀለ። ዶክቶር ሸፈግ ዲብነ።
ርደአነ” እት ትብል ኬን
ወእንሰር ዐንበልበለት።
ዶክቶር ሰለሙን ምነ ቅርፈት
ዐመልየት እንዴ ፈግረ። “ሚ
እብጠተክን? ጅነ ሐቲ ጋብእ
ይሀለ። እበ በንጅ ቃይብ ሀለ።
ሐቅ ክልኤ አው ሰለሰ ሳዐት
እግል ለሐሶሴቱ። ሐቲክን
ትትገሴ ምስሉ ወሐቲክን በረ
ትጽነሕ” ቤለየን። አርሄት
ለትንፋሰ ርእየት ሰበት ዐለት
ሸበህ አምነቱ። ድርት ላተ
ቀሸኒ ሀለ ሰበት ትቤ እግል
ትእመኑ ኢቀድረት።

ለመመርዳት ሓርቃት ዲብ
እንተን። “እንቲ ድርት ፍገሪ
ምኒነ። እለ እሲት ለዐባይ ሀይ
እንሰር ምስልነ ትጽነሕ” እት
ልብለ ቀራር ሓለፈየ። እት
ምግብ ሳበ እንዴ መጽአት እግለ
ጸራተ ለቴለል ሸርሐት እግለን።
ክልኢተን ሀይ ምስለ ጅነ እግል
ልትገሰየ ትሰምሐ እግለን። እብ
እንክር ድማኑ ወድገለቡ እንዴ
ትገሰየ ምሴት እብ ግዲደ
ለዐቅባሁ አምሰየ። መንሱር
ላቱ ይሐሶሰ። ለትበሀለየ ክልኤ
ሳዐት ሐልፈየ። ላመ ሳልሳይት
ሳዐት ዐሬት። አምዲተን
ተሐመጠ። አርሄት ክሉ ምስል
ዐቤ ለሓለፈቱ ትርአየ። እት
ሃጋይን ወእስትንተን ትካሬት።
ድርት እምበል ብካይ ወጃማም
እት ሴመ ይዐለት። መንሱር
እንዴ ኢልሐሶሴ ወቅት ረዩም
ሰበት ከልአ ላመ መመርዳት
ሰኒ ተሀለገየ። ትንፋሱ እንዴ
ልትደሀር ሰበት ጌሰ ሐዮቱ
እት ክልኤ ገብአት። አግደ
ትራቅቡ ለዐለት መምመርደት
እግል ዶክቶር ሰለሙን
አሰአለት። ዶክቶር እንዴ
ምጽኤ። አዜ እግል ንሸቄ ሰበት
ቱ በረ ጽንሐ ምኒነ ቤለየን።

አርሄት ወድርት ሰአየተን
ጨበት። መንሱር እት አፍያት
ክምሰል ኢልአለምቤ አከደየ።
ድርት እብ ሀላግ ገጸ ዶከት
ምሰለ። ሕልቅመ ነሸፈት
ወአርወሐተ ተልፈት። አርሄት
ላኪን ሰአየት ሰበት ጸብረት
አምዲተ እንዴ ሰደት። “ድርት
ኤማን ውዳይ ምን ረቢ
ክሉ መቅቡልቱ። መንሱር
በክትነ ይዐለ። ረቢ ምራዱ
ወዴ” እንዴ ትለተ ወለተ
አትጋንዐት።

ዶክቶር ሰለሙን ወለ
ብዕዳም ደካትረ እት ረአሰ
መንሱር ሃጅላም ዲብ እንቶም።
አርሄት “ዕንታተ ገሀር ጋብእ
እት እንቱ ወእብ ብካይ ሲቅ
እት ትብል። “ዶክቶር ምን
ዐድነ ኢትብተኩነ። ግምሽ
ግናዘት ኢንዕቀብ። መንሱር
አርወሐቱ በዲር ገርበት።
አሰእሉነ ዋጅብ ቀብር እግል
ንውዴ” ቴለቱ። ዶክቶር
ሰለሙን ሰኒ ሹቁል ዲብ
እንቱ” እንሸቄ ሀሌነ። አሰክ
እንዩምመክን እተ አካንክን
ጽንሐ” እንዴ ቤለየን ዩም

ሸንርብ ሳልሰ ግም

3ይ ክፋል

ፈዳብ ጋብእ ሀለ። አማነት
አቡሁ ወአቦቱ አርሄት ክምሰል
ኢጠልም ምን አዜ እብ ወቀዩ
ልትአመር።

ኬትባይት፣ ዘሀረ ዐሊ ክድር

ወድብክር

ጀህራይ እብ ለዋው በሐር አሸአበበ
ባነ እት ለአላይም ሕግሰ አድብር ትገልበበ
ውልዋላ መጋዊሕ አሀናዘዘ ወሆበለ
በዐል ጃሚዕ ሐሶሳ እዛናቱ ወቀለ

ትከማከመት ዋልዳይት ምን ሰካበ ሐሶሴት
እግል ሰላት አሰቦሕ አስተቅፈረት ወትወዴት
አዌልዳተ ሃረሰት ወለበርህ ሓዬት
እግል ተሀርሰ ወድብክረ መንሱር ትቤ ወትላኬት

ሕናን መንሱር ኢትሰምዐ መስከቡ ተርፈ እብሃሉ
ክምቱት ጸንሐ ንጸፋ እት መድረሰለ አጣሉ
ዐንበልበለት አርሄት እግል ትድሌ ቴለሉ
እተ መድረሰ አንገንጌት ወአትናወረት አሰሩ

መንሱር መካይዱ ኢትአመረ
እለ ግስኮ ኢቤለ ወይአሰአለ
ቂሾት ግድዕት ሐድጎ ከትወከለ
ሕት ኢገመ ወሐ ይአሰአለ

አርሄት አምዲታየ ተሐመጠ
እት ነሲበት ትክሬት ወልደ ምን ትወለጠ
አርወሐተ ትሰአለት “ሚ ሰረዋ ቱ እሊ ዲብዬ ትደለጠ?”
አፎ ቱ ቀዳምብኔት ንጸፋ ትከምተተ
አፎቱ ደፍአቼ ምን አፍያቱ ትሸተተ
ሞላይ ኖስከ ነጃኒ እድንዩ ምነ ሰረተ

ድርት ወእሙን ልክልኤ ሐዋቱ
ዕንታአተን ትመየሰ ምን ኢትደሌት ምክያዱ
አቡሀን አምዕል ነሰአቱ ሕክም ረቢ ረዳቱ
መንሱር ቱ ሴምዳየን ለአት አካን አብ ዐላቱ
ወአዜ በደ መሃሊቱ በርሰሰ አፍያቱ

አርሄት ትሰራበበት ወዕንታተ ጃመመ
ሔልፋይ ገበይ አሰፈ ለጎማመ
ትወላለበት እት ቃረት ኢፈረገት ይማመ

ምን ሲቶ ኬነበት-ምን ሙነት ትረደመት
አስተንተነት ወትሰአለት- እግል ሓዚ ትወክለት
ኢትካመለ ሰአዮብ-ንዬተተ ተሐጭረበት

መግዩሳይ ዔረ ከበር መንሱር ለደለ
መንሱር ቤለ ናደለ-እት አውኪር ተሓበረ
ገንድል ሀለ ጎር ሰናት ከላሸኑ ትሆገለ
ድመል በዲር ሜራሱ ሰኒ ለአምር ሰለለ
እት መቅጠኑ እግል ለአብርድ ባሮት ለእበ ሰረረ

ልተላሌ

LET'S LEARN ENGLISH

Present perfect and past (2) - (I have done and I did)

A/ Do not use the present perfect (I have done) when you talk about a finished time (for example, yesterday/ten minutes ago/ in 1985/when I was a child). Use a past tense:

- The weather was nice yesterday. (Not, 'has been nice')

- They arrived ten minutes ago. (Not, 'have arrived')

- I ate a lot of sweets when I was a child. (Not,

'I've eaten')

- A: Did you see the news on television last night? (Not, 'have you seen')

B: No, I went to bed early. (Not, 'I have gone')

Use a past tense to ask when...? Or what time...?

- When did they arrive? (Not, 'Have they arrived')

- What time did you finish work?

Present Perfect

- Tom has lost his key. He can't get into the house.

Here, we are not thinking of the past action. We are thinking of the present result of the action: Tom doesn't have his key now.

Past Simple

- Tom lost his key yesterday. He couldn't get into the house.

Here, we are thinking of the action in the past. We don't know from this sentence whether Tom has his key now.

B/ Compare present perfect and past Simple:

Present Perfect (have done)

- I have done a lot of work today.

We use the present perfect for a period of time that continues from the past until now.

For example, today, this week, since 1985.

(Unfinished past and present "now")

- It hasn't rained this week.

- Have you seen Ann this morning?

(It is still morning)

- Have you seen Ann recently?

- I don't know where Ann is. I haven't seen her. (= I haven't seen her recently)

- We have been waiting for an hour.

(We are still waiting)

- Ghenet lives in Nefasit. She has lived there for seven years.

- I have never played golf. (in my life)

The present perfect always has a connection with now.

Past Simple (did)

- I did a lot of work yesterday.

We use the past simple for a finished time in the past. For example, yesterday last week, from 1988-1991. (Finished past like 'yesterday')

Examples:

- It didn't rain last week.

- Did you see Ann this morning?

(It is now afternoon or evening)

- Did you see Ann on Sunday?

- A: was Ann in the party on Sunday?

B: I don't think so. I didn't see her.

- We waited (or were waiting) for an hour. (We're no longer waiting)

- Ghenet lived in Asmara for ten years. Now she lives in Nefasit.

- I didn't play golf on my holiday of last summer

The past simple tells us only about the past.

EXERCISES

UNIT 14

14.1 Are the underlined parts of these sentences right or wrong? Correct the ones that are wrong.

- I have lost my key. I can't find it anywhere. RIGHT
- Have you seen the news on TV last night? WRONG: (correct: Did you see)
- I have bought a new car. Do you want to see it? _____
- I have bought a new car last week. _____
- Where have you been yesterday evening? _____
- Jenny has left school in 1997. _____
- I am looking for Mike. Have you seen him? _____
- I am very hungry. I haven't eaten anything today. _____
- Diana hasn't been at work yesterday. _____
- When has this book been published? _____

14.2 Make sentences from the words in brackets. Use the present perfect or past simple.

- Eg: (It/not/rain/this week) = It hasn't rained this week.
- (The weather/be/cold/recently) = The weather _____
- (It/cold/last week) = It _____
- (I/not/read/ a newspaper yesterday) = _____
- (I/not/read/ a newspaper today) = _____
- (Keven/earn/ a lot of money/this year) = _____
- (she/ not/earn/ so much/last year) = _____
- (You/have/ a holiday/ recently?) = _____

14.3 Put the verb into the correct form, present perfect or past simple:

- I don't know where Amy is. Have you seen (you/see) her?
- When I _____ (get) home last night, I _____ (be) very tired and I _____ (go) straight to bed.
- Your car looks very clean. _____ (you/wash) it?
- George _____ (not/be) very well last week.
- Mr. Clark _____ (work) in a bank for 15 years. Then he gave it up.
- Murad lives in Dubai. He _____ (live) there all his life.
- '_____ (you/go) to the cinema last night? 'Yes, but it _____ (be) a mistake. The film _____ (be) awful'.
- My grandfather _____ (die) 30 years ago. I _____ (never/meet) him.
- I don't know Carol's husband. I _____ (never/meet/him).
- A: Is your father at home? B: No, I'm afraid he _____ (go) out.
A: When exactly _____ (he/go) out? B: About ten minutes ago.
- A: Where do you live? B: In Boston.
A: How long _____ (you/live) there? B: Five years.
A: Where _____ (you/live) before that? B: In Chicago.
A: And how long _____ (you/live) in Chicago? B: Two years.

14.4 Write sentences about yourself using the ideas in brackets.

- Eg: (Something you haven't done today) = I haven't eaten any fruit today.
- (Something you haven't done today) = _____
- (Something you didn't do yesterday) = _____
- (Something you did yesterday evening) = _____
- (Something you haven't done recently) = _____
- (Something you have done a lot recently)= _____



ካልኣይ ወራር ወእንሰሐብ እስትራተጅያይ

ዶ/ር ተሽሰተ ፍቃዱ እተ “ሄራር ምን ነቅፈ ኣሰኸ ነቅፈ” ለልብል ክታብ እብ ክሰሰል ሓቐ ተሕራር መዳይን እት ክፍለት ሰነት 1978 ለትረኣ ቴለል ወራራት ኣባይ እብ ምሮ እንክር፡ ወእብ ካልእ መትሰባል ወፍርሰነት መናድሊን ቅብላት ጂሽ እስትዕማር ኣወላይ ወራር ወኣወላይ እንሰሐብ እብ ልብል ኣርእሰ እተ ዐቢ ክታብ ምን ክትብዩ ጽበጥ ንጭጭ እንዴ ኣበልኹ እት ዓመድ ምን ሰጅል እግል ነቅርብ እግልኩም ሓፊኑ ከእግል 12ይ ክፋል ልተላሌ፡-

እብራሂም ሰዲድ ሓቐ ገሌ ደቃይቅ “ንትፈንጠር” ቤለ እብ ድግማን፡ ሁቱ ህግያሁ እንዴ ኣልኣተምም ለቀናብል እብ እንክር ምፍጋር-ጸሓይ ናይለ ሕን ለዐልነ እቱ ኣካናት ወድቀ፡ ሰጃያት እንዴ ለኣንን እብ ምንለዐልኹ ቀደምቱ ወግራን ሓልፈ፡ ለሰጃያት ብለቅ ሻውጥ፡ ኣቀጥፍ ባትኹ ወኣቅሹን ሻሌዕ ዐለ፡ ሰሩ ገሌ ህዩ ምስል ዕሳስ ወራብረብ ዲብ ሰመእ እንዴ ልትወርወር ዐፈናህ፡ “ክልከ ትፈንጠር እብለከ ህሌኮ” ቤለ እብራሂም ሰዲድ ክርንቱ እንዴ ወቀለ፡ ህግያሁ እንዴ ሰምዐ ክልነ ምን ኣካን ለዲብ ዐልነ ትሸተት፡ እተ ድዋራትን ለወድቀ ሰጃያት እብ እንክር ቅብለትን ክልኤ ወእብ እንክር ምፍጋር-ጸሓይነ ህዩ ክልኤ ዐለዩ፡ ሓቱ ምን እብ እንክር ምፍጋር-ጸሓይነ ለወድቀዩ ዲብ ኣኬነት ወቅል እንዴ ትከፊት ኢትፈርግዐን፡ ቅብላትን ሰበት ዐለት ትፍርግዐት ምን ተዐሌ ምን ኣመረ ወኣኬተን ዐለት፡

ለብዕዳት ኣርበዕ ቀናብል ዲብ ባት ፈሰለት ዓቅቢት መስተሸፈ፡ እት ፍንጌ ውሕደት ፈርግሲ ወውሕደት ሲፊ፡ ምን ሕን ለዐልነ ዲብ ኣካነት እት ነሳፊት ክልኤ ምእት ምትር ወድቀዩ፡ እብ በክት ዲብ ኣካናት ለህይ ኣዳም ይዐለ፡ ለብዕዳት ኣርበዕ ቀናብል ህዩ ዲብ ባት ተሓት ፈሬዕ ዕያደት ዐመልያት ወድቀዩ፡ እተ ወቅት ለህይ ክሎም መጀርሒን ኣሰኸ ሳከል ሰበት ሳርሐናህም ዲብ ባት ተሓትት ዕያደት ዐመልያት ለዐለ እት ጀብህት ሽዕብዮት ላጅእ ለዐለ ገቢል ቲ፡ ለሽዑብ ሽቱት ሰበት ዐለ እምበል ኣደንገጽት ኣንሰ ወኣጀጉት ወኣንደዶት ሽለትት ሴመ ኢረክበዩ፡ ለጥያራት ዘብዩ ክምሰል ኣብጠረዩ፡ ዲብል ቀናብል ለወድቀ እቱ ኣካናት ሓይካይም ለኣክኹ፡ ኣንፋር ወሕደት ዐመልያት ህዩ እግል ልትዳለው ኣሰኣልናህም፡ ሽቅል ክቡድ እግል ልሳድፊን ንትጸበር ዐልኹ፡ ሳከን ክምሰል ጽብሬን ኢጉብኣ፡ ሓዳም ኣንፋር ሰኒ ጅረሕ ቀሊል ሳደፊም፡ ኣሰኸ ሕክምን ገደሰ ለኣትሐዘዩም ይዐለ፡ ምሮት መናድል ጅረሕ ክቡድ ሰበት ሳደፊዩ እተ ዶሉ ኣሰተሽህደ፡ ሓሬ ክምሰል ኣመርናሁ ለሄለኮፕተር እንዴ ትዘውር ክሎም መናድሊን ዲብ ለኣፍኩም ኣካናት በጽሐው፡ በርናምጅ ዘብዩ ኣትመመዩ ለልብል ወግም ምንመ ዐለ እግልኹ ሓቐ ኣድሐ በክትን እንዴ ሰነ ለምዳድ ጥያራት ሓግላም ላቱ ጊም ምድር ሰበት ገልበበ ሕርየት ሓረከት ረከብኹ፡ ምሴ ክምሰል በርናምጅን ኣሰኸ ሳከል ሳርሐት ኣዳም ኣተላሌ፡

እግልሚቱ ዲብ ፍልፍል ሽክል ገዝም ለጸብጠ ዘብዩ ገብኣ? እሊ ሰኣል እሊ እተ ወቅት ለህይ ለጉብኣ መናድል ልትሰኣሉ ለዐለ ሰኣል



ቲ፡ በሊስ ሳብት ለልህይብ ሳከን ይዐለ፡ ለዘብዩ እብ ሽክል ምን ጉብኣ ወኣግቡይ ምስል ናይ ዒለ-ገመል ለልትማሰል ዐለ፡ እለ መስኣለት እለ ሓቐ ሰነት ትሳድፍ ዐለት፡ ሓሬ ክምሰል ሰምዐናሁ ምሮት ጠልማይ ዲብ ኣባይ እንዴ ሰለመ እብ ክሰሰ ፍልፍል ሓብሬ ሀቡ፡ ሁቱ ነፈር ቅሶም መዋሰላት ለዐለ እት ጉብኣ፡ “ንዳልነ መሪር ወረደም ቱ” ልትብህል እት ሀሌ፡ “እግልኩም ወእግል ዐድኩም ልግበኦ” ልብል ዐለ ልትብህል፡ እምበል እሊመ ሓሬ ክምሰል ትህደግ ለዐለ፡ እት ኣምዕል ቀዳሚት ለዐለ ሆበሎት ሄለኮፕተራት ዲብ ባት ፍልፍል ወሰሰሙን ወሐቆሁ ለተለ ዘብዩ ጥያራት ዲብ ባት ፈሬዕ ሓርሰ ወመዋሰላት እብ ሁቱ ለህበዩ ሓብሬ ሴጠ እንዴ ኢጉብኡ፡ ኖሱ ለጤልማይ ዲብል ሄለኮፕተራት እንዴ ትጸዕን ሓብሬ ለህይብ ክምሰል ዐለ ልትደገም፡ ዲብል ኣወላይ ዘብዩ ለጅረሕ ምን ካልኣይ እግል ልብዘከ እቡ ለቀድረ ሰበብ ዲብ ካልኣይት ኣምዕል ክለን ለኣፍርዐት ለተሐጥጠን ኣካን ሰበት በጽሐዮቲ፡ ለወለዶት ኣምዕል ሳከን ለጥያራት እንዴ ኣትህመለዩ ሰበት መጽኣዩ ብዝሓም መናድሊን ትጃርሐው ወምን ኣመረ እስትሸሃድመ ሰዱፍ እግል ልግበኦ ቀድር፡

ተኣሲር እንሰሐብ እስትራተጅያይ ንዳል ገቢል ኤራትርየ ጀላብ ሕርየት እብ ፍንቲት መርሐለት ሓልፈ፡ ምን ዲብ ዐለም ለትግሰው ሰነ፡ ላቶም ሰዋር ሰኒ ፍንቲይ መታክል ሳደፊዩ፡ እሊ ህዩ መቃወሙት ምን ድወል-ምውዳቅ ጸሓይ ወኪካት ምን ድወል ምፍጋር-ጸሓይ ለሽምል ዐለ፡ እሊ ቴለል እሊ እብ በይንን ድድ መታክል እግል ንጋብህ ቀሰቤ፡ እብ እንክርዩ እሊ መታክል እሊ ክምሰል ሓቱ ዲብ ጋድም በራር እብ በይነ ለበቅለት ዕሌለጊት ወደህፊት እብ ክሉ እንክራት ለልሀንዘኹ፡ እምበል ኣቅሩደ ብዕደ ሰድዩ ለኣለቡ፡ ደማካት ዲብ ኣቅሩደ ላቱ ዕጩት እግል እውሰፋ

ቀድር፡ ብዝሓም መናድሊን እለ ቀድየት እለ ለትፈናተ ረኣይ ወሽሬሕ ለህይዩ ዲብ ዐለው፡ ምሮት እግል ብዘከ ወቅት ምስልነ ለጸንሐ ጅርሕ፡ “ኤራትርየ፡ እለ ‘ሕምባሽ’ ብዕራይ (ሕበዘት ብዕራይ)!!” ልብል ዐለ፡ ምሮት ብዕድ መናድል ህዩ “እለ

ዐንደል ዐድ እለ!” እት ልብል ለኣስተንትን ዐለ፡ ክል-ምናም ምስለ ቴለል እንዴ ኣትጸበጠ ክምሰልሁ ልብል ዐለ፡ “ሕምባሽ ብዕራይ” እብ ህዘዩ ትግርኛ ኣው እብ ዓዳት ትግርኛ ዲብ ፍንጌ ክልኣት ልቅብ ለትቐል ዕጩት ቲ፡ ለልቅብ እንዴ ጩቅጠ ሽክል ሕበዘት እንዴ ጸብጠት ትቐል ወሐዮተ ተኣሰብኹ፡ ክምሰል ከረ በጥቦሰ ወበሰል እንዴ ኣማደደት እግል ትቐል ኢትቀድር፡ ኤራትርየመ እብ ክልኣት ከሌብ እንዴ ትጨቀጥ ተዐቢ በህሉቱ ቲ፡ “እለ ዐንደል እለ” በህለት ህዩ ዕድዋን እግል እንዴ በልወው እግል ልውሐጥወ ለሐዘ፡ ምናቲ፡ ሰበት ትመርር እቶም ኣልውሕጥው፡

እብ ለትሰኣ እንሰሐብ ሰትራተጅ፡ ኤራትርየን ልግብኣ ወውላድ ካርጅ፡ ኣባዩም ልግብኣ ወፊታያም፡ እብ ክሰሰ ለናይ ደንጎበ በክት ሰውረት ኤራትርየ ለትፈናተ ተመንያት ወመስኢት ዐለ እግሉም፡ ለመስኢት ዲብ መናድሊን፡ ዲብ መዝማን ጀማሂር እት ቀበት ዐድ ውክርጅ፡ ወእት ግዝም ኣቶብዩ ወዲብ ክልኣቱ እንክር ለዐለው ሲደዮቲ፡ ዲብ ፈተት ሰውረት ኤራትርየ ወመጅተመዕ ዐለም እብ ዓመት ለትፈናተ ረኣይ ዐለ፡ ጊምም ወተሕለል ናይ እሉም ለትሰመው ምሮት ከኣብ እንክሩ ወዩቂት ለትፈናተ መፋሂም ወተቅዩም ዐለ እግሉ፡

ዲብ መናድሊን እብ ዓመት ሰብተት ወኣማን እንዴ ዘይድ ጎሌ፡ እግል መሰል ሓቱ ኣምዕል እት ወሬሕ ሰቦ ናይ ሰነት 1978 ዲብ ኣምዳላት ቀደም መትሰባር ጀብህት ግብለት ወግጸዕ ወሐቆሁ ለጀረ ተዋልል ወእብ ክሰሰ ሽሬሕ እንዴ ልትህብ እብ ወድመል እትሓድ ሶሼት እንዴ ዘይድ ጎሌ፡ መግቢም ከዋድር ወዓድያም ኣንፋር ናይለ ተገዝም ዲብል ትፈናተ ኣካናት እንዴ ደግመው፡ “ሕነ ወክላሺኹ ሕነ ወፊዛዐትኹ ሕነ ወገቢልነ!” ልብሎ ዐለው፡

እግል ቴለል ሰኒ ወኣማን ለከለመዩ ፍንቲይ ጋርመ ዐለ፡ እሊ ህዩ ክለን

ድወል ዐለም ምን ድወል ምፍጋር-ጸሓይ ወመውዳቅ ጸሓይ ሳዘም እግል ሓቱ ምንን ለኣይደ ሰበት ዐለዩ ቀድየት ኤራትርየ ክሉ ርኣሱ ኢትኣየሰዩ እቡ፡ እግል ክሉ ጋራተን ምስል መሳልሐን ቃርናሁ ዐለዩ፡ ዐለም እብ ተማመ ዲብ ክልኣት ከሌብ ክፍልት ሰበት ዐለት፡ ሕነ ህዩ ምን ክልኣቱ ለእንክር ሰበት ትሸክክ “እብ በይነ ትከረም” ለልብል ሽዑር ዲብ መናድሊን ልትርኤ ዐለ፡ መብዝሓም መናድሊን ሳከን እግል ፍድብ እብ ፍድብ ወእግል በሰር እብ በሰር እግል ልጋብሆ ዕንዱቃም ዐለው፡ እምበል እሊ ሕርያን እሊ ብዕድ በሰር ላቱ ክሉ ረኣሱ ይዐለ፡

ምን ፍልፍል እንዴ ኢንትብገስ ቀደም ሰለሰ ኣምዕል፡ ለዐርባት እንዴ ትጸዕን እግል ልትብገስ ዳሉይ ዐለ፡ ለልጽዕዮ ለዐለው መናድሊን “መምተሉነትን ሕኔት ዲብ እዴ ኣባይ ለኣቱ ግረ ዲብ ሳከል ምን ልትደክስ ለሓይሳ፡ እለ ወሰኽ ወእሉ እለ ኢትሕደግ” እት ልብሎ ወለትጸገም ክምሰል ርኣክዎም፡ “ኣማናም ቱ ዐኻር ኣቶብዩ ሽዕብዮት ግናዘተ ወመምተሉነት ኢኮን፡ ሽን ከደናመ ኢትሕደግ” እግል ሊብሎ” እቤ እብ ልብዩ፡

ዲብ ኣካነት መዋሰላት ፍልፍል መጀርሒን እንዴ እንሳፊሕ፡ ምሮት መናድል “ዲብ ምድር ዋድቀት ለጸንሐቲ ክባዩት እንዴ ሀረሱ ዲብል እንዴ ጸዕነት ትትብገስ ለዐለት መኪነት ዐባይ እንዴ ለክፊ፡ “ምን ሕኔት እት እዴ ኣባይ ትብርድ፡ ዲብ ሕርር ምድርን እት እለ ወድቀት ትውደቅ” እንዴ ቤሌ፡

እብ ውዳዩ እንዴ ትፈክርኮ ገንሐክዉ፡ እግል ክባዩት ኣክል እሊ ምህመት ሂቡ፡ እግል ኣባይ ሕክርባይ ኢንሐደግ እንዴ ቤለ እብ ኤማን መትጺጋመ እብ ብዕድ እንክር ሰኒ በሰጤ፡ “ሽዕብዮት መምተሉነት ወግናዘተ ኢኮን ሽንደናመ ኢትሕደግ” ለትብል ህዘዩ እንዴ እፈቅድ፡

“ኣህ ሚቱ ከለዋካ?” እት ልብል ምን ሕሰባዩ ኣካረመ፡

“ኢፋልኹ ሰኒ ህሌክ” እት እብል በለሰት እቲ፡

“ኣናመ ሰኒ ክም ህሌኮ ኣምን፡—” ለቤሌኒ መሰሰ፡

ለመናድል ዕንዳቂሁ ወመግጥር ገርቡ እንዴ ገንሐኩ፡ “እብ ዝፍርክ ወዐመልክ መዐጸምክ ሰብተትክ እኩደ ህሌክ” እቤሉ እብ ልብዩ ሕውርር እንዴ እብሉ፡

“ለዓሰ ዲብ በከር ወለበሐር ህዩ—” ክምሰል እንቤ፡ ሓቆሁ ላተ ሚ ክምሰል ቤለ ላቱ ኣሲምዐክዉ፡

“ሕነ ዲብ እዴ ውላድ ሶሼት ይእንበርድ” እት እብል ወሰኮ እግሉ፡



ፊህምዩ ክምሰልሁ ሰበት ዐለ፡ “ሕነ ወክላሺኹ! ሕነ ወፊዛዐትኹ! ሕነ ወገቢልነ!” ለልብል ሰቅራታት ደሚር ወመፋሂም ናይ እሊ መናድል እንዴ ጀምዐክ እምነት ናይ ክሉ መናድል ዐለዩ፡ እምነት ገቢልመ ኤተክ ይዐለ እግሉ፡

እምነት ወፊህም ገቢልመ ምን ናይ መናድሊን ለልትፈንቲ ይዐለ፡ ሉቴለል እሰልፍ ዲብ ገቢል ግብለት ወምፍጋር-ጸሓይ ተኣሲር ወደ፡ ኣንፋር መዝማን ገቢል ውብዕም መዋዲት ኣባይ እግል ልክህሎ ለኣቀደሮ ምስል ተገዝም ጀብህት ሽዕብዮት እግል ለኣንሰከዩ ሓረወ፡ ገሌ ኣምዳላት ሓቐ መትኣንባት እንሰሐብ ዲብ ግንደዕ እንዴ ህሌኹ ክሉም ኣንፋር መዝማን ጀማሂር ኣቅለም ግብለት ዲብ ክልፍየት (ድጌ ሰውረት ጀብህት ሽዕብዮት) መጽኣው፡ ሽዑብ ግንደዕ ህዩ እብ ለነሰኣወ ምስዳር ሰኒ ሐመደዮም፡

ምሴት ሓቱ፡ ሰር ረደም ናይ ሽባዮት እብ እንክር ምፍጋር-ጸሓይ ግንደዕ ለልትደሬ መሓዝ እንዴ ጸብጠ ልሄርር ዐለ፡ ምን ግብለት ለኣንሰከወሽኩ ሽባዮት ውላድ ኣንሰ ወኣዋልድ ኣንሳት ዐለው፡ መናድሊን ወሽዑብ ግንደዕ ምሮት ከምን ኣኮኩ እንዴ ፈግረ እብ መትብጃብ ኣቅመተዮም፡ እማት እብ ዕላላት ወግቅዲት፡ ኣበው እብ መድሐር ወኣትናዮት፡ መናድሊን ህዩ እብ ሐብን ትከተምም፡ እተ ወቅት ለህይ ሰረን ገሌ እማት “ፍዝኩም ልውዳነ ውላድኹ ሲድያይ ሓገልኩም፡ ኣፎ እግል ሰረን ገሌ ድወል ሰደዉን ኢትብሉን!” ልብል እት ህለዩ፡ ኣበውመ እብ እንክርም “ሰኒ ወዴኩም ውላድኹ በዳርመ ምን ውሓዝ እት መዐደይ ወምን ዝላም ኣት መጽህይ ልትብህል ዐለ ምን ውሓዝ እት መዐደይ ግብኣት ሰኒ ቱ” ተኣዩዶም እግል እስትራተጅያይ እንሰሐብ ለኣክዶ ዐለው፡

ዲብ ቀበት ዐድ ውክርጅ ለዐለው ኤራትርየን መዝማን ጀማሂር፡ ብዕድ ረድ ፍዕል ለኣርኡ ለልብል ፊህም ምንመ ይዐለ ሓሬ ላተ ኣክባር መክሩህ እግል ልትሰመዕ ወልትፈንጠር ኣንበተ፡ ሚርሐት ምሮት ምን ዲብ ካርጅ ለትብር መዝማን ጀማሂር ጀብህት ሽዕብዮት ላቱ “ኤራትርየን እግል ሕርየት ዲብ ቅብለት ኣሚሪኹ ” እግል ጀብህት ሽዕብዮት ለነሰኣቱ እንሰሐብ ሰቀወ ውብዕም ኤራትርየን እግል ልስቀቁ ትላኩ፡ እብሊ ሰብብ እሊ ወራታት ናይለ ተገዝም ዲብ ቅብለት ኣሚሪከ እግል ልትህእ ወይማሙ እግል ልብዴ ምኑ ኣንበተ፡ ብዘከ ዲብ ካርጅ ለትብር ገቢልመ ምን እብ ምስዳር ናይለ ተገዝም ተኣሲር ጉብኣ ከንዶእ ሚ እግል ዝፍ ሓለት ኣባይ ፈርህ እግል ዶሉ ወራታቱ ትጀመደ፡

ፈዛዐት እግል ሰላመት



እብ ሰባት ኣድወዮት ወመደረቱ እት መንጠቀት ምጋር ጸሐይ ኣፍሪቀ ፈዛዐት እግል ትትወቀል፡ ድወል ኣፍሪቀ ወወለም ሕድሮ ሓብሬ እግል ለሀብ ወልንሰኢ፡ ከመዋዋኒን ምን እብ ኣድወዮት ለትመጽእ መደረት እግል ልትሰለም ደማነት ለተሀይብ ፈዛዐት እት ምኤምረት ዓፍዮት፡ መሳኔፅ ኣድወዮት ወመትነፈዐት እግል ተሀሌ ለኣመመ ውቁል ተእሂል ዲብ ሆቴል ኣሰመረ ፓላስ ምን ዮም 10 እንዴ ኣንበተ ኣሰክ 17 ኣፕሪል ልትሀዩብ ኣሰመኑ።

እሊ እብ ሰባት ኣድወዮት ለለመጽኦ መንፈዐት ወመደረት ኣምር ወተጃርብ ሰኢ ሳም እት ዐለም ስሙያም ፕሮፌሰራት ለመርሐዉ ተእሂል እብ ጠለብ ውዛረት ዓፍዮት እብ መዓወነት እድንያይት ሙዝመት ዓፍዮት ውበዕዳት ሰብ ሽርከት እግል ምፍጋር ጸሓይ ኣፍሪቀ እንዴ ትበሀለ ለትዝመ ምንማቱ ምን 17 ደውለት ኣፍሪቀ፡ ኣሰዩ፡ ኣርቢ ወኣሜሪካ ለትወክለው 24 ዐባዩ ወምግባያም ዳርሳም ኣድወዮት ሻረከው እቲ።

ወዘረት ዓፍዮት ኣሚን ኑርሕሴን እቲ መክፈቲ ዲብል ኣሰመዐት



ከሊመት፡ ለወዕለ እት ወቅቱ ገብእ ሀለ ትቤ። እግልሚ ለእት ገበይ ተጠውር ለሀለዩ ድወል ለሀሌት እለን ናይ መራቀብት መቅደረት ድህር ወለሀለ እለን መዕሉማትመ ሓድሮ ሰባት ገብእ ቀዳምያት መትኣዝዮት እብ በቃዐቱ ሓዋኒት ወመደረቱ ብዝሕት ኣድወዮት ገበእ ሰባት ሀለዩ ትቤ። እንዴ ኣትሌት ኤረትርዮ ምን ሰነት 2003 እንዴ ኣንበተት እት እድንያይት መታበዐት መደረት ኣድወዮት ክም መተቅብላይት ዕዱ እንዴ ጸንሐት፡ መደረት ኣድወዮት ለታቤፅ እግሉ ለትፈንተ መዝ ለራፊፅ መርከዝ እት ሰነት 2012 ኣሰሰቲ። ንዝም መራቀብት ኣድወዮት ሀይ ክም ኣፍገረት ሽርሐት። ለመርከዝ ሓዲስ ምንማቱ፡ እትለን ሕዳት ሰኔታት እት ሰይደን ኡፕላለ እቲ ሀለ 'እድያይ መርከዝ መታበዐት መደረት ኣድወዮት፡ እት ዐደኅ ለለኣቱ ኣድወዮት እንዴ ታዩን ወታበዐ እብ ነድኣዩ ብዝሐ ተቃርር፡ ኤረትርዮ ምን ኣፍሪቀ ካልኣይት ትገብእ ዲብ ሀሌት፡ እብ ሰፋዩት ናይለ ትነደኦ ሓብሬ እት ደረጃት ኣወል ትረከብ። ቅድረተ እግል ትጠውር ወምሰል ኣግዋረ ወወለም ተጃርብ እግል ትትባደል ላኪን ዲብ

መንጠቀትነ ለሀሌት ሽበከት ተባድል ሓብሬ ኣሰሉለ እግል ልትወጤ ሰባት ኣትሐዘ፡ እሊ ናይ ምፍጋር ጸሓይ ኣፍሪቀ ውቁል ተእሂል እብ ሰባት ፈዛዐት ዲብ መደረት ኣድወዮት ወመቅሬሕለ ድወል እት ሀይብ ወንሰእ ሓብሬ እግል ትትመደድ ለናቅሽ ሙእተመር እግል ልግበእ እቲ በክት እግል ልትሀዩብ ቀድረ። እሊ በክት እሊ ለረክበት እቡ ሀይ ለወቀዩ እት መንጠቀትነ ወወለም ኔፍዓይ እንዴ ገብእ ምን ትረከባቲ።

ምን ኣግደ ሙዝመት ናይለ

ተእሂል ወሙእተመር ዶክተር መንግስባይሩ እለ ምዕል እለ እግል ልርኤ ልተምኔ ክም ዐለ ወፊድል ወቀይ ኤረትርዮ ለትምኔቱ ኣማን ክም ገብኣት ሽርሐ።

ፈዛዐት እብ ሰባት መደረት ኣድወዮት (ፋርማካ ሺጂላንስ) እት ሰሳታት ሓቀለ ዐመሰ ምን መትባላል ክል ፈጅር እግል ለትዐርፈን እንዴ ትበሀለ ልትሀዩብ ለዐለ ከሐር ኣጀኒት እምበል ቃራት ክም ልትወለዶ ለወደ ታሊዶማይድ ምን ሰሳታት እንዴ ኣንበተ እት ክድመት ምንመ ሀሌ፡ ዲብ ኣፍሪቀ ላቲ ኣዘ ታክብ ሀሌ። እትለ መደት እለ ዝያድ እግል ልትዝም ወደቅብ ክም ለሀሌ እሉ እግል ልግበእ ደራሪ ለወዴ ተጠውራት መጽእ ሀሌ። እት ዕዳገ ለጸንሐ ኣድወዮት ናይ ከረ ቲቢ ወመላርዮት እብ ጀራሲም እት ልትለመድ ሰባት ጌሰ ወቀዩ እት ለሐውን ጌሰ። እት እዛሙ ሀይ ሓዲስ ልትሰነፅ ሀሌ። ናይ መንሰራታት (ሰረጣን) ወኤቸ

ኣይ ሺ እግል ኖሱ ድቁብ ውበዙሕ ለኢትሐዜ ሕማማት ሰብብ ልትረኤ ሀሌ። ምሰል እሊ እብ ዶልዶሉ ልትሰነፅ ለሀለ ሓዲስ ኣድወዮት ለህቱ ሰብብ መደረትመ ትዘይድ ሰባት ሀሌት ምን ቅሩብ መታበዐት እንዴ ትገብእ እት ሰንዐው በጽሐት ምንገብእ ለትትሐዜ ምሰዳር ሰላመት እግል ትነሰእ ፈዛዐት እብ ሰባት መደረት ኣድወዮት ኣህምዮት እት ትረክብ ትገይሰ ሀሌት። ለእብ ድራሰት ወዕሉም ልትሰነፅ ኣድወዮት ለሰብብ መደረት ሌጠ እንዴ ኢትከፊ እትሊ ዘበን ኣዜ ቴክኖሎጂ እግል ነግል ኣሳሚ ወእሻርታት እንዴ ኣቅለለዩ፡ ገሌ ወድሐንክ ለኣለዎም ግሁፋም ኣክል ሕድ ክምለ ኣሰሊ መጽበጢ ወክቱብ እንዴ ለሰገው እቱ ናይ ሐሰት ኣድወዮት ለኣዘቡ ሀለው። እሊ ኣድወዮት እሊ ለበዜሕ ምኑ ሓቲ ጽበዋ ደወ ለኣለቡ እግል ሕማም ለኣሊሓይ ገብእ እት ሀሌ፡ ገሌ ማይ ብራቁ፡ ገሌ ሓባር እንዴ ትብጭብጩ እቱ ወገሌ ሓድ ስሙም ጽበዋ ለቡ እት ኣሰዋግ ልትክሬ ሀሌ።

ደወ እብ ፈዛዐት ታዩኖቱ ወለትረክብ ነቃሰ እት ኣጊዳት እት መርከዝ ሓብሬ እንዴ ትነደኣት ኣጊድ እግል ልትሐብ ወለ ዋይዳይ እኪት ጀዛሁ እግል ልርከብ እግል ልቅደር ሀይ ህቱ ለሽቅለ ደለ መጽኦ ሓብሬ ለትትከበት ወትነሽር ጀህት እግል ተሀሌቤ። እለ ትመሰል ፋዝዐት ሀይኣት መራቀብት ከሉ ገበለ እብ ሰባት መደረት ኣድወዮት እንዴ ኣመረ ዋጅብት ሓብሬ ክም ረክብ ወለኢትሰኢት ፍገረት እኪት ዶል ልርኤ ኣጊድ ዲብለ በዐል ምህነት እንዴ መጽኦ እግል ለሐብር ትጸገም። እግል ሽቃለ ዓፍዮት ምንገብእ ወእት ዝቤ ወመትዛባይ ኣድወዮት ለሀለው ሰብእ ልብ እንዴ ከረው ክድመት ሳፍዮት



እግል ለሀብ ተኣደርሱ። ኤረትርዮ እትለ ቀድዮት እለ ገበይ ራትዐት ጳብጠት ሰባት ሀሌት ቀደም እግል ተኣብለ ምን ምኤምረት ለለትናይት ረኣይ መጽኦ ዐለ።

መደረት ኣድወዮት ሕዱድ ኢተኣምር። እትለ ዋወራት ሓድ ሰር ዘበን ለወዕምሩ ንዝም መራቀብት ለበን ድወልመ እሊ ናይ ሐሰት ኣድወዮት እንዴ ኣትሀመለ



ለኣትዮን ልትረኤ። እብ ሰብብ እሊ ናይ ሐሰት ደወ እትለ ትፈናተ ኣርካን ዐለም ወለዘይድ እትለ እት ድህር ደረጃት ተጠውር ለሀለዩ ድወል ለሐ'መ፡ ለመሰከን ወለሞተ ዐደዱ ሓድ ኢኮን። እብሚ ክም ጀረ እግል ልትኣመር ለቀድረ ሀይ እብ ፈድል ፋዝዐት መታበዐት ኣድወዮት። እት ሰነት 2012 እት ፓኪሰታን ኢናጊ ሽርቦ ናይ ግንፊእ ምን ነሰኣው 60 ለገበእ ኣንፋር መይቶ እት ሀለው ብዝሓም ሀይ እብ ለኢትትሐዜ መደረት ኣድወዮት ትደመዐው።

ቀደም ገሌ ሰኒንመ ምንለ ትፈናተ ባኮት እድዝዩ እብለ ከሰሐ ሽርቦ ገሌ 459 ለገበእ ምን ኣጀኒት ኣርወሐም ሓግላምቶም። ኣድወዮት ሌጠ እንዴ ኢገብእ፡ ክታበት ወናይ ሕክምን መትሻቀዩ እብ ሐሰት እንዴ ትሰነፅ እት ወድኣም መደረት ለኣጀራ ሀሌ። እግል እሊ ኣዜ ልትረኤ ብሪእ ለኣለቡ መግሀፍ እት ማል ለዋጅህ እንዴ ተሐሰረ ወእንዴ ትሰበለ መራቀብት እት ኣድወዮት

ለወዴ፡ እት ዐለም ሓብሬ ሻፍንት ለነድኢ፡ እግል ከሎም ሰብ ሽርከት ምን ሰንዐ እቲ ልትዛበው ወለኣዘቡ ወእተ ቀርሮ ወነሰኢ ለልትመደድ ንዝም መትባዳል ሓብሬ ወኣድመኖት ደሐን መትነፈዐት ለከድም ምኤምረቱ ለቡ፡ ድራሳት እግል ሊዴ እብ ማል ለኢልትከረዕ፡ ሕዱድ ወኣንዝመት ስያሰት ለኢክርዖ እብ መቅሬሕ ሕበር ለሽቂ በዐል መዝ ኣው መስኡልዮት ለትረፊፅ ጀህት ተኣትሐዜ ሀሌት። እለ ለትተምም እብ ወእት ምፍጋር ጸሓይ ኣፍሪቀ ለልትከምከመ ድወል ሓቲ ተርፍ ወሓቲ ተሐልፍ ለኣለብ እብ መቅሬሕ ክም ሽቅዩ ለትወዴ ሽበከት እግል ተሀሌ እግል ልክደም ለመሽተርከትለ ተእሂል ወሙእተመር ትዋፈቀው።

እግል ታምም ሓብሬ እግል ልትኣክብ ወእተ ተኣስትህሎ እግል ልብጸሕ ብዙሕ ለትጸገመው ኣንፋር መርከዝ ፈዛዐት እት መደረት ኣድወዮት ኤረትርዮ ንዮቶም ለረፊፅ ጀዋእዝ ተሀዩበው።

እሊ ሙእተመር እግል ልትዐውት ለከድመው ሙ እቲ ክምሰልህ ናይ ሓምዴ ሽዓዳት ተሀዩበ።

እት ካቲመ ናይለ ወዕለ እት ውዛረት ዓፍዮት መስኡል መራቀብት ኣድወዮት ወክበሪት ኣሰይድ እያሱ ባህታ እለ ሳምን እለ ሳምን ሐበን ወንዩት ውቅል ክም ዐለት፡ ምሰል እሙራም መኤምረት ኣድወዮት ወመደረቱ ምን ኣመሕበር። ለተዕበትነ ፍሬ ምን ረክበት ፈረሕይ ጌዳን ኣለቡ እንዴ ቤለ ኣህምዮትለ ምሰል እንዴ ትገሌከ መታክልከ ሽኩት ወደሐን መትነፈዐት ኣድወዮት ኣድመኖት ዐባይ ብድህ እት እንተ ክም ረክበዩ ሀድገ።

ላመ ሙሽተርከት እት ኤረትርዮ ለረኣው መትሰላል ጀለ ደሐን ሽዐብ ወእት ዋጅብት ኣካኑ ሽቂ ለሀለ ንዝም መራቀብት ደሐን ኣድወዮት፡ እትለ ለጸንሐቶም ሕድርኖት፡ ለእለ ኣዳወረው ሰላም ወሀዳኣት እቡ እት ልትዐጀቦ፡ እግል ሽባብት ሓካይም ወመዐልመቶም ገዳይም ደካትረ ወፕሮፌሰራት ምሰል ምን ኣመሕበረው ኤረትርዮ እት መጃል ዓፍዮት ራክብቱ ለሀሌት ሰርገል ወዋውርቱ ለሀሌት መቅደረት ኣዳም ሙስተቅበለ ባሪህ ክም ወድዮ ረኣዮም ሀበው።



ዝያረት ባጽዕ ኣብ ዕን ትጃረት



MASSAUA - Palazzo del Governo

Ellaromana

www.delcampe.net

ዲብ ታሪክ ኣቅበልን ምንገብኡ፡ ባጽዕ ምህም መንገዳት ናይሉ ምን ምድር ሱዳን ም ኣቶብዩ ለመጽእ ወምስ በሐር ለልጸበዋ ሐረከት ትጃረት ዐለት። ክምሰል ኣግደ ዐዳገ ግንባራራብ በሐር ህዩ ምነትፈናተ ኣካናት ለመጽእ በዳዩዕ ክምሰል ከረ ንጎት ሐርማዝ፡ ዕዋር፡ ቀርበት፡ ሸሚዕ፡ ደህብ፡ ኣሻም፡ ወዲዕ

ወለመስሉ እብ ገበይ ባጽዕ ኣስክ በሐር ቀየሕ ወምሒዋ ህንድ ልትነደእ ዐለ። ምን ካርጅ ህዩ ለትፈናተ ለትሰነኦኦ ዐፍሽ ክምሰል ከረ በለሊት፡ ነኣስ ወኣሻም ላቱ ዲብ ዐዳጋታት ቀበት ዐድ ልዘቤ ዐለ።

ባጽዕ ክምሰል መርከዝ እዳረት ወ ለትፈናኦት ቆሚያት ናይሉ እለ

መንጠቀት ለትፈናተ ቆሚያት በህለት ዐፋር፡ ትግሬ፡ ሳሆ፡ ክምሰልሁመ ዐረብ ልትሃገው። ውላድ ጋድዋታት ምፋግር ጸኣይ ወጀዛይር ደህላክ ምን ዶል እት ዶል ዲብ ትሰሕብ ጌሰት። ዲብ ሐርስ ወርዕዮ ለትፈረረው ሰብ ንዋይ ወሐረሰቶት፡ ዲብ ጀለቦት ዓሰ ለትፈረረው መጀልበት፡ ክሉም እተዮም እንዴ ኣክበው ዲብ ደካኪንለ መዲነት ለኣዘቡ ወልትዛበው። ዲብ ባጽዕ ምን ሰኒን ወድኒን ኣሳስ ለቡ ወ ኣስክ እለ ለኣተላሌ ለህለ ናይ ጠቢባን ኣሽቃልቱ። እለ ህዩ ክምሰል ሰየቀት ንጃረት ወሕዳደት ልሰዕ ለተላሌ ህለ። እምበል እለመ ናይ መንጠቀት ኣግደ እተይ ርዝቅ ላቱ ጀላቦት ዓሰ ወሰናዕት ስያሐት ወራታት ልተላሌ እተ ህለ።

ልተላሌ.....



Massaua - Pianta di città.

www

www.delcampe.net



ሕላይ ሰብ በዲር

ምን ሐልየት ዐድ ህብቴስ

መሐመድ ወድ መዲን እግል ኣፍ ሓሬን ሐለ። ኣፍሓሬን ስሕል ኣው መቀዳም ኣስክ ድዋራት ዐቂቅ ለበጹሕ ርሒብ ኣማክንቱ። እለ በለድ እለ እት ሒን ኣውል ምን ኣውለት ሰብ ኣንውየት ሰቡኩ ወዲቡ ለኣውሎ፤ ከ መሐመድ ወድ መዲን ኣፍ ሓሬን ሰኔቱ ሰበት ለኣምር እብ ክእነ ወሰፈዩ።

ኣፍሓሬን መርዓዊቱ - ዐሎቡ ወለዐሽሉ
በጹሕ ቃሊቱ ኣፍሓሬን - ዕዛሉ ለዐፌ ወኣሰሩ
ትርካይ ማልክቱ ኣፍሓሬን - ኣውጁ ቃሊዕ ገፍተሩ
ሰብክ ኣፍሓሬን - ጠወዋቱ ወዕለሉ፤

ሼካታት ለኣሽለማልም ከደሩ
ለሚዕ ማዩ ብዙሕ ወሰዐሩ
ቀንዲሊ ወገዚር መሓዝመ ዳሊ ቡ ምለዐሉ
ክለፈያ ወቤት ከራይ - ለግድም ገንቱ ሰረሩ
በላታት ኣክርክር ለመልዒ ኣይበድቱ ብቀሉ፤

ሾክን ዐሊ ለዕንክላይ - ወለወለት ለዐንቀሩ
እንታቱ ለስሕል ኤማኑ - ወእንታቱ ለስሕል ዐመሉ
እንታቱ ለስሕል ፋንጃዩ - ወእንታቱ ለስሕል ድግለሉ
ዋዑም ለሐሊቡ - ወመሪር ለዐንደሉ
ርግዘት ለኮናት - ሕርደት ለጀንጀሩ፤

ኣምበል ሕመድ ወድ እርባብ - ምን ስልጣኑ ወበዐሉ
ንቱብ ክንቱብቱ ወድ እርባብ - እት ጽኒዕ ካሪ መንበሩ
ምስማሪ መራክብ - ኣምሆለለ ምን በሐሩ
በርቅ በርቃ መቀዳም - ምንኬን ምንለ ቅበሉ
ዓጀተን ደወንክ - ለቡራይ ጸዐደ ደንበሩ
ለቡራይ ለዐቅበ ሸናቅር - ኣብብ ቤተ ሰጉኑ
ምን ምቅባን ወቆሉ - ዐቂቅ ረኣሰለ ደንበሩ፤

ምቅደረ ምስዳር ኬደዩ - ጋድር ጋርሕ እብ በዐሉ
ቅሮራ ፋግር ሻኮቱ - ሐቱ ኢኮን ሰርሰሩ፤
ለመንሸብ ረሐ ምንገብኡ - በሃራት ገብእ ፍገሩ
ረሶብ ለወቱድ ሓባሉ - ምንኬን ካሪ ሾከኑ
ደው ወሰንዱቅ ዕዳማንቱ - ኢኮን ሰብ ዐድ ደቀሉ
ሐድር እለን ጀለልብ - ሳፍር ምንለ ገንደሩ
ሸሚክ ወሸንብል - ሐንቦክ ልብለ ክለሉ፤



Serie XII. - N. 4 - Come si monta a cammello

Uangelo

www.delcampe.net



ረመዳን ታዩብ

ሕዱግ ስሌማን



ክልሻብ ርሑ ልትሰክል

እት ብዙሕ መናሰባት ክምሰለ ልትርኢ ሻብ ለልትብህል እብ ፅምር ንኣሽ ለልትፎጆጅ እብሊ ህዬ እግለ ምስል ፅምር ለትዘውል ግርመቱ እንዴ ረኣ እግለ ቀደሙ ወግራህ

ወልወል ልግሌኒ ወብዕድ እንብል እንዴ ዐልነ የም ሕናመ ምን እለ ጠበቀት እለ ሰበት አጽቢሐነ ለማሌ

መርበዩ ለልሐብሩ ፊቱ፡ እለን ክልኢ ዐባዩ መዓኒ ምንን እንዴ አወለጥነ ለንኡሽ እበ ረትዐት ስለል ኢቴቴናሁ ምንገብኤ፡ ወለ ምዕባዩ እበ ራትዐት ገበይ ክም ልሂርር ይኣጥፊሐነ እግሉ ምንገብኤ ተርፊኒ ታርፊ ስሜት ሌጠ ገብኤ።

ክል ሻብ ርሑ ዶል ልትሰክል ምን ርሑ ለረክቡ በለሰ ብዙሕ ገብኤ፡ እግልሚ ርሕነ ሌጣት እት ኩብድ ደሚርነ ድብዱብ ለህለ መሳጠር ለትሐብር።

ኣነ ምን ኣነ? እትለ ደረጃት እለ እግል እብኢሕ ኣክል-ኣዩ ካድም ወዳኑ? እት ሐያት ለህለ ተሐድያት ወመታክል እብ ራትዐት ገበይ ተዐዳኩው መ እት ጽላል ብዕዳም እንዴ ትሑጊነ በጽሐኩው? እለ ናይ የም ደረጃቴ፡ ምን መልህያምዬ ሚ ከሰብኩ እበ? መልህያምዬ እግልዬ እብ ሚ ለሐይሱኒ? ኣነ ህዬ ምን መልህያምዬ እግል ሐሰ እቀድር መ ኢፋሉ? ለኣብካት እግል መልህያምዬ ለህለ እግልዬ እት ህለ ዐውር ምኑ ህሌኩ መ ህዩም ዑውራምዬ ምኑ ህለው? ኣነ ምን መቅደረጅ ወለዐል እግል እምሰል እጅርብ ህሌኩ መ ኢፋልዬ? ኣዳም እቡ ለገብኤ መታክል እሻረት መትቀዳምዬቱ መ ቡዳዩ? ኣዳም እ ግ ል ሚ እ ብ ዩ ሰ ካ ብ ል ሰ እ ን ህሌ፡ እለ እ ሻ ረ ት

ሚዛንክ እንዴ ሐደግከ እት ሚዛን ብዕዳም እግል ትትከፊ እት ተሐዘ ለድብዱብ ሕውናኽ እግል ልፍገር በክት ሰበት ተህይብ ዐፎ! ልትብህል ምንከ።

ማሌ እብ ንኣሽ ወቅሽምን ለሐልፊ ምንከ ወክድ የም እት እዴክ እብ ወለት ገበይ ክሩይ እት እንቱ እግለ እብ ለሀቡቱ ለትደረረ ወለከድመ እብ ፅን ሐሳደት ገንሕ ወተሐሰብ ገብኣክ ምንገብኤ እብ ንሳልክ ምንመ ኢትፈግር እብ አሻይር ገሮብክ ሰበት ፈግር ምንከ ለህለ እግልክ ኣብካት እንዴ ኢትርእዮ ብዕዳም እግል ልትካፎሉ ምንከ በክት ተህይብ ህሌክ በህለት ቱ፡ ሰበት እለ እንተ ሻብ እግል ርሑ ወመስተቅብሉ ለገብኤ እንዴ ኢትገብኤ ሻብ ለኣግማም ለኣብዴ እንተ።

ዎርኽ ርሑ ዶል ልትሰክል በለሰ ብዙሕ ረክብ። እለ እቱ ለህሌኩ ሽቅል መቅደረጅቱ መኢፋሉ? ምጅተመዕ ህዬ ምንዬ ሚ ልትጸበር? ምጅተመዕ ምስል ብዕዳም መልህያምዬ እብ ከፎ ልርኤኒ? እግል ምጅተመዕ እቃሽሽ ኢሑብርዬ ተሐበርኩ ምንገብኤ እግል እትፈደሕ እቀድር መ ኢፋሉ? እለ ወ ብ ዕ ድ አሰእለት እ ብ ቀሊሉ ም ነ



መትቀዳምዬተ መ ኣክር መኣዋዩ? ሕሳል ሀገጊጅ ጽብጡ ኣነ መ ጽብጩቱ? ወክጃ እት ኣካናት ቤለ ወትብህለ አውዕሉ መ እት መንፈሪጅቴ? እለ ወብዕድ አሰእለት እግል ነፍሱን ዶል ንሰኣል ነፍሱን እምበል ገላባብ እግል ተሐብረናቱ ሰበት ትቀድር፡ ዐገል ወዳነ ምንገብኤ እግል ንሰምዐ ወንሰይሑ በክት ብከ። እግልሚ ሕነ ሽባብ መስኡልያትን ብዙሕ ወምህም ሰበት ገብኤ።

መካይ ድነ እግል ለሐብረነ ለሰዴናቱ ሕነ ክም

ክል-ዶል እት ሐያትን ርሕነ እንዴ ትሰኣልነ ርሕነ ለኢትሓብ ሽባብ ገብኣነ ምንገብኤ ወእግል ርሕነ ህዬ “ዱብ እለ ኢትገብኤ!” እንዴ እንቤለ ገበይ ራትዐት ኢቀፈርነ እግለ ምንገብኤ ርሕነ እት ትርኢ ሀፌብ እቡ እግል ትድንን ፋርዳመ ህሌነ በህለት ቱ።

ኣዳም ስሜትከ ክም ሐየት እንዴ ኣተምሰለ እግል ልሽረሐ ቀድር፡ ምናተ ሕነ እበ እንዴ ትቀሽሽ ርሕነ ሐየት እንዴ መስሉተነ እት ክል ኣካን ቡን፡ መስተይ ወምጅተመዕ እብ ብዘሐ ለልትረኩብ እቱ ኣካናት ከባረት ወእሕትራም ዝያድ ብዕዳም እግል ለህሌ እግልነ ነሐዘ። ምናተ እለ እብ ኣዳም ገብኤ እግልነ ለህለ ኣትሳጅዶት ናይ ኣማን ቱ መ ኢፋሉ? ኣክል እለ እግል ለ ኣ ት ሳ ጅ ዑ ኒ ወ ል ሐ ሽ ሙ ኒ ዝያድ ኣዳምዬ ለልትርኢ ካድም ሚ ህለ? ቀደምዬ ሰኢን ወድኢን እግል ም ጅ ተ ም ም

እንዴ ገብአው ለልትከሉሉ ኣበዉ ኣብዕቦታቱ ክምሰልሁመ ንኣይሽ ሐዉ ለከትር ወምን ክልኢቶም ለልትሐላለፍ ሰዋልፍ እግል ልውረስ ወልአውርስ ለወጅቡ መዐደይት ስልም እንዴ ገብኣ ከድም ህለ መ እግል ክልኢቶም ለበትክ ደብር እንዴ ትብደለ ቀሴ ህለ መ ኢፋሉ ርሑ እግል ልድሌ ርሑ እግል ልትሰክል ወጅቡ።

“ሽበት መሽክፊይተ” ለልብሉ ዐባይ ፅምር ወተጅርበት ምናም እንዴ ኣፊመ ለዘበን ወፅምር ለሀቡምተ መስኡልየት እግል ልርፍዶ እንዴ ኢልትህከው ምስል ሃማረት ገሮብ መትለታት ንሳል ወተዐቡ፡ መትጨራማዋ ገናበት ወመትጸባዋ እደይ ወእገር ክምሰልሁመ በጠር ቶጭ ዕንታት ወበቲክ ሰኣየት እንዴ ተዐደው፡ እግል ካፊሉት ዝሕርታት ተጃርብ ወሰዋልፍ እንዴ ልትጸብሩኑ እት ምኑም ዝሕረት ለኣለቦም ሰብ ሴመ እንዴ መሰለው እትከ ምን መሳክቦም እግል ቲሪም ወእግል ቲደዩ እግሉም ለብክ ሲናዶ እግል ትሰነዶም ክም ዕለት ወወራት እንዴ መስለት እትከ ምን መሐበርም ተዐወልጥ እግል ኢተህሌ ነፍሱክ ኣመርት ምህም ጋር ቱ።

እት ምዴርየት ኣሰማዋ ምስል ሽባን እተ ኣምሐበርነ እተ ኢትዶርት እብ ፅምር ቅዱም ለህለ ኣብ “እለ ጋራት እለ እት ሽባን ትትርኢ ክም ህሌት ዳገመ እግልኩ እግልሚ እሎም የም ለህለው ሽባን፡ ሽበት ሐላፊት እንዴ ቀሽቶም በደል ምን እነ ወርሶ ወዳዳቶም እበ ርትዕት ገበዩ ለካሉፋ ምን እነ እት ረይሞ ገይሶ ህለው” እለቲት እሰፍ ተኣብሊኒ!” እንዴ ቤለ ዶል ደግመ እግልነ እት ሽበት ለህለው ሽባን ርሑም እግል ልትሰክሉ ቦም ለልብል መውዶዕ እግል ንክተብ ትቀሰብከ።

ፈናን ኣቡነ ሐሰብ-ኣላህ እት ሕሊል ዘረ ምን እብ አውታር መሰንቆሁ ወእሸዓሩ ልትኣመር ለዐለ ኣብ ቱ። እብ ክሰሰ ሽበት ሐላፊት ወእተ ወክደ እግለ በዐለ ለትቃሽሽ ክምሰልተ እት ሽቡቶም ምን ሐልዉ ለዐለው ሐልየት እንዴ ትዘከረ ክእነ ቤለ እግልነ “በደል ሻይብ ለሀዴኒ፡

በደል ሻይብ ውልዋል ክም ተሐፊ ነሐልዩ ለዐልነ ሽንብራብ የም ምን ደረጃትለ ወለውል ሰበት ገብኣነ ላመ ሽባን ኣመትነ ወዱ ይህለው” ቤለ። እለ ናሱ እግልነ ሽባን ዐቢ ደርሰቱ። በክት እንዴ ወዴነ እት ሽበትን እግል ንንሰኣ ለኣለብክ ገበይ ኣፍካር ካጢ ምኑ እግል ንትሽክ ወገበይ ለመስኡልየት ተረፈዐነ እግል ንተሌ ልእከተ እብ ቀላል ኢትትርኢ፡ ከሕነ ሚ ክም እንወዴ ርሕነ ስኡላም ነኣምር።

እግልሚ እሎም የም እብ በክት ውብሶት እብ ሐያቶም ለህለው ዐባዩ ፅምር ቀደምን እትለ እዲነ ብዙሕ ርእያም ወተጃርበ ካሰባም ሰበት ህለው፡ እለ ተጃርብ እለ ህዬ እት ሐያትን ምን ኣግደ ጽዋር ሰበት ገብኣ እሉ ዶል ንትዐንደት ምስል ህሌት እግልነ ሽበት እት ፅምር ንኣሸነ እት ሕነ መፍርየት ወሰብ ፍቴሕ እግል ንግበኤ ንትነፊዕ እቡ ህሌነ ገብኤ?

መስኡልዩ ሻብ ቅያስ ለኣለበ ክምተ እንዴ ትረሰዐ፡ እበ እግል ዶሉ ለረክቦ ግርመት ወመማኒት ገሮብ እንዴ ትቀሽሽ እግለ ማሌ ቀደሙ ሽበት እንዴ ተዐደው እት መስኡልየት ወሕክም ምጅተመዕ ለልትረከቦ ኣበው ሰብ ሴመ ክም ኢትን ለልሐሰቦም ገብኣ ምንገብኤ፡ እለ ሻብ እለ መብቅያይ ኣግማም እግል ኒበሉ እንቀድር፡ እግልሚ እትለ ደረጃት እለ ለህለ ግም ኣፍካክ ኣግማም ማሌ ወፈጅር ሰበት ገብኤ። እለ ፍክ እለ ምን መዓሉ ክም ልውዕል ዋዲሁ ሰበት ህለ ህዬ፡ ቀለት ምንገብኤ ግም ዎርት ወኩብደት ምንገብኤ ህዬ ኣግማም ብዙሕ እግል ለሃፌ ቀድር።

እግልሚ ምን እለ እት ሽበት ለህለ ግም መስኡልየት እግል ልርፈዕ ለልታከዩ ግም ሐዲስ እት ሐንቲሁ በቅል ሰበት ህሌ፡ ወለ ለህይቡተ መስኡልየት ህዬ መስኡልየት ቅርድ ኣለቤ ዓዳቱ ወሰዋልፍ ለኢተኣመራ፡ ሰዋልፍ በደ ሰለመዩ ምንገብኤ፡ እብላ ገበይ እለ ሰበት ልትረቤ ፈጅር ጅንሰዩቱ ለኢተኣመራት ግም እግል ልትፈጠር ሰዴ ህለ በህለት ቱ ገብኤ?

ንኡሽ ለቴትዩ ለሐዘ ወዐቢመ

እብሊ ኣነ እብ በክት ለትከፊት እቱ ሽቅል ለክድመው ወክድሞ ለህለው ኣንፋር እግል ሚ እግልዬ ለኣትሳጅዶ ወዝያድ ስሜቴ ረፍዶ? እግል መትቀዳም ርሕዬ እንዴ ይእከድም እግል መትቀዳም ምጅተመዕዬ አውቂት በህለት ቱ? “ኢፋልዬ!” እለ እግልዬ ለልሃፌ ሰፍጋት ወኣሳጅዶት ሐሰት ቱ። እግልሚ እብሊ መጃል እለ ምን ጃሚዐት ለትደሐረው እቡ ሽባን ወዐባዩ ፅምር ስጋዶም እንዴ ኣድነው ምን ከባረት ርሑም እግል ከባረት ብዕዳም ወሐምቆም እግልሚ ደኖ ወገይሶ? እግልሚ ክእነ ናዩ ኢልትናፈሮ ወኢልትሳሰዐው? ለልጃም ለእግሉም ለጀመ ምስል ክሉ እለ ተዐለም ወኣምር እግልሚ ክእነ ወዱ? ብሂል ምን ሰኣል ኖስ ለመጽእ ቱ። እግልሚ እንግሊዚ እግል ክእነ ለመሰል ኣፍካር ለቦም ኣንፋር ደርሰ ለትገብኤ ታመት ሕሰባት ካርያም ቶም “Do not judge a book by its cover!” ብሂሉም እት ኩብድ ድብዱብ ለህለ ዝሕርታት እግል ተኣምሩ ሰበት ኢትቀድር እለዲ ክእናቱ ብሂል ምኑ እግል ንንገፍ ወርሕነ እግል ንሰኣል ምን ሐዘው ቱ።

“ኣነ ምለዐል ክሉ ለእከድም ኣነ!” በደል እንብል ኣነ ምለዐል ክሉ እግል እክደም ብዬ ወእትባገስ ህሌኩ” ትዋዕመ። እምበልዬ እትሊ ኣነ ለህሌኩ እቱ ሽቅል እብ ቀልብ ናሰሕ ለክደም ኣለቡኒ!” እሎም ትርእዎም ለህሌኩም ኣንፋር ብላሽ ቶም፡ ምን ብሂል እግል ትትሰለም ለትብህለት ናይ ለባበት ታመት ሕሰባት ቱ።

ከገደም ክልነ ርሕነ እንዴ ትሰኣልነ ሕነ እግል ንድረስ ወንኣምር ለወጅብክ ክም ሕነ ዝያዳ ለሸቀው ወለትቢዘው ክም ህለው ወእግል እለ ምጅተመዕ ለገብኤ ወቀይ እብ ኣደፈራሰ እንዴ ኢገብኤ እት ዋቅዕ እንዴ ትከረ ኖሱ እግል ልትሃጌ ብነ ለንሐዘ ኣንፋር ገብኣነ ምንገብኤ፡ ርሕነ እግል ንትሰኣል ብከ። እግልሚ ርሕነ ዶል ንትሰኣል ምራየትን ሰበት ገብኣት፡ እምበልሁመ ምን ብዕዳም ለንሐብዑ ዕዩብክ ምንእነ ሰበት ኢተሐብዑ ደርሰ ንንሰኤ።

ተጃርብ ሐያት ክምተ ወተጃርብ ህዬ ምን ብዕዳም ዳርሳም ቅዱማም ወጃህላም እንዴ እንቤሎም ለእንሰምየም ኣንፋር ምናም ሰበት ልትረከብ ሕናመ ርሕነ እተ ጽምእ ዕልም ለቦም ጃህላም ዶል ንኣብራቱ ኣዳም ለእንገብኤ።

እብ ኣማን ርሕነ እግል ንሰኣል ብነ ወለ እግል ሐቱ ካልኢት ለእንረክቡ ምን በለሰ ሕነ ምን ክም ሕነ ሰበት ተሕብረን ርሕነ ንትሰኣል።



እግል ቲበለ ለተሐዜ ህግደ ተማም ሕረዩ

ዎሮት መልክ እት ሕልም (አንያቡ ክፍኩፍ እት እንቱ) ረአዩ። ዎሮት ሕልም ለፈሰር ነፈር እንዴ ትላክ ለሕልሙ እሱ ደግመ እሱ ..

.. ለሙፈሰራይ “እለ ህግያክ ምትአክድ ምነ ህሌክ?” ቤለዩ።

ለመልክ ዓበ ቤለ።

ላሐውለ ወላ ቅወተ እላ ብላህ። እለ በህለት ዐድከ ክሎም ቀደሚክ እግል ልትማዩቶ ቱ ቤለዩ ... !!

ለመልክ ለገጹ ትቀየረ ወእተ ዶሉ ሐርቀ ወእግለ እናስ እት ሰጅን ከረዩ። ብዕድ ሞፈሰር አምጸአ። ህቱመ ነፍሰ ለህግደ ሰበት ደግመዩ እለመ ለመለሀዩ አትዐረዩ።

ሐቀሁመ ሳልሳይ ሞፈሰር መጽአ። ለመልክ ለሕልሙ ደግመ እሱ።

ለሞፈሰር ክም እለ ቤለ።- “እለ እሱ ትብል ህሌክ እብ አማን ክም ተሐለምካሁ ምትአክድ ህሌክ?

መብሩክ መብሩክ . . . መልክ መብሩክ ዐሌኩ።” ለመልክ እለ ክም ሰምዐ ሚ ሰንዐት ተ እለ እለ ትባርክ እግልዬ ህሌክ?! ቤለዩ።

ለሞፈሰር ሰኒ ልወቅ እት እንቱ።- “ተፍሰርለ ሕልምክ እንተ ምን ዐድከ ለጠወለ ዕምር ለቡ ነፈር እንተ በህለት ቱ።

ለመልክ ፍኩር እት እንቱ “እለ

ህግደ አማንካተ” ቤለዩ።

ሰኒ ህታተ በልሰ ዲቡ ለሞፈሰር።

ለመልክ ሰኒ ፈርሐ ወእግለ ሞፈሰር ማል ሰርገዩ።

ሰብሓን አላ ክህቱ ምን ዐዱ ለጠወለ ዕምር ለቡ ሐቆ ገበኤ፡ ዐዱ ኩሎም ቀደሚሁ ምን ልትማዩቶ ጠበዒ ኢኮን ገብእ?

ምናተ ገበደለ መባልሰ ረኤ። ሕነ ከፎ ንትሃጌ?

እለ ምን ገብእ ምብላሰነ ተማም እንደ ፈጠነ እግል ንሕረዩ ወአፉነ እንዴ ኢጠልቅ እግል ነአትዛውረ ወተማም እግል ነዐግለ ወጅብ።

መዕሉማት

- ክርን ሐዩት ምን 8 ኪሎ ምትር ለሪማ መሳፈት ትትሰመዕ።
- ሰገን አስክ 75 ሰነት እግል ትንበር ትቀድር። ወአስክ ዕምር 50 ሳንታት ትወልድ።
- “ሮብያን” ለልትበህል ጅንሰ ዓሳ ልቡ እት ረአሱ ልትረከብ።
- ዲብ እለ እዲነ ለልትረከብ ደወርህ ምን ነሐሰቡ። እግል ክሎም ካን ዓለም ዎሮትክ ክልኤ ዲርህ ወበጽሐያሁ።

በህል

- እት ፍንጌ ዓቅል ወግሉል ለህሌት ፍንቲት። ዓቅል ዐደድለ ዕንቱ እግል ትትከሬ እቱ ለትቀድር ድዋር ለዐቀምት። ምናተ ግሉል ላቱ ባክለ ሽካሄሁ ሌግ ልርኤ።
- እሎም ተሉ ሰሰ ዲብ ሰሰ ኢትእመኖም። ግሁፍ እት ማልከ። ወሐሳይ እት መስጢከ። ወቀሻሽ እት ዐቅልከ። ወብቆት ለኢለሓሰብ እት ሰላመትከ። ወጃህል እት ዕልምከ። ወፈዳብ እት ሀደፍከ።
- ግዋራክ እለን ሰለሰ ስተር እለ። ዐውራቱ ወማሉ ወአከይ አደቡ። ወእለን ሰለሰ ድገም እሉ። ጸጎቱ። መሰንዮቱ። ወለ ግሩም አደቡ።

- ዎሮት ለቢብ እግል ወልዱ ሰለሰ እት ሰለሰ ሌጠ ልትአመሮ ህቶም። መሴምሓይ እት ወቅት ሐሩቀት። ሓዋር እት ወቅት ሐርብ። ወሐትማ እት ወቅት ማሕገዝክ ሌጠ ተአሌልዩ ቤለዩ።
- ወድ ሚን አድም እንዴ ለአምሆልል ዐለ ዶል ለእተ ምብጋሱ ለዐቀብላተ እግል ክለን ለሓጃት ለምደን።
- እዲነ ዲብለ ረዩም ምሸዋረ ክመ እተ ሕልም ለአስክ ደንጎግሁ ንታለዩ ተ።
- ከያል ለረሐብ ለእት አማን ኢተንክበ ዳይመን ዲብ ወሀም ክም ትነብር ወዴከ።

እዲነ እብ ካምለ እግል ትበድል እንዴ ኢትትበገለ

እት ሰልፍ ክሉ ርሕክ በድል

ዎሮት መልክ ዐባይ ወሰኒ ፋይሐት ላተ ደውለት ለለሐክም ዐለ ልትበህል። እለ መልክ ሐቱ አምዕል እብ እገሩ ሰፈር ሰኒ ረዩም አመመ። ሐቆ ዕቅባለቱ ምንክትርለ አግቡይ ለእሉ ካዩደ ለእገር ተሓበጠ ምኑ። እብለ ሰብብ እለ ናይ ሻሬዕ መርሱም አፍገረ። ለመርሶም ሸዋሬዕለ መዲነት ክሉ እብ ቀርበት እግል ልትነጸፍ ለዐልን ዐለ።

ምናተ ዎሮት ምነ ጌምዩቱ ብዕድ ምን እለ ለለሐይሰ

ረአይ ሀበዩ። ለረአይ ናይለ ጌምያዩ።- በደል መዲነት ካምለት እብ ቀርበት ትትነጸፍ ግጥዐት ኒኢሽ ናይ ቀርበት እተ ሐንለ ዕቅብለ መልክ ምን ትገብእ ለሐይሰ ትብል ዐለት። ወእብላህ ምነ አምዕል ለህቱ ለሰልፋይት እስእን እት እግር ለትለወሸት።

እለ እዲነ ልወቅ ወፋሬሕ እት እንተ እግል ትንበር እተ ሐዜከ ምን ገብእ። እዲነ እብ ሓላ እግል ትበድል ክሉ-ረእሱ ኢትጀርብ። እት ሰልፍ ክሉ ሬሕክ በድል፡ ሐር ሐቀህ ለእዲነ እግል ትበድል ትፈረር።

ክበርገሺ ለባበት

ዎሮት ለቢብ አምዕል ሐቱ እለ ተሌ ሱኣል ትቀደመ ዲቡ።-

እብ አፍሁ እፈቱክ ለልብለክ ወምን ቀልቡ እብ አማን ለፈቱክ ሚተ ፍንቲቶም?

ለለቢብ ክምእለ ቤለ።- ሐቱ ዶል አዜ እግል ትርአውቱ .. ዐዙመት ወደ እሎም፡ እት ሰልፍ እበ ፈታሆም ንሳሎም ለኢትትዐዴ አንበተ። ዲብለ ነብረ ተዐገለ ወሀቶመ ምስሉ ተዐገለው። መዲደት አምጸአ ወዎሮትክ እት ናይ በይኑ ድብድየት በልሰ እሉ። ወእግል ክል ምኖም ዐደድ ምትር ለሪመ መንክ ሀበዮም። ወላዝም እብ እለ ዐጂቦት መንክ እለ እግል ልሰተዉ ክም ሶም ሸርጥ ከረ እሎም። እግል ልሰተው ብዙሕ ባሰረው .. ምናተ ኢተዐወተው። ደለ እለ ሀረሰው አፎም እንዴ ኢለአበጽሕወ እት ምድር ትከዴት። ወእብ ሰፍራሆም እት እንቶም ብጣራቶም ገብአው።

አንዋዕ ሐሩቀት

እለን ተልዩ ኑቃዋ እንዴ ቀርአከ ሬሕክ አምር። እንተ እት ቀበት ክሉ እለ አዳም ምን እንተ። እንዴ ቀርአከ ሬሕክ ኖሰክ ድለያ ወትፋጠነ።

1 - አዲግ ለለሓርቅ ወእተ ዶሉ ለለዐቀብል።-

እለ ክምሰል እለ ለመሰል ነፈር ርሐ እብለ ተአስታህል ገበይ እግል ልምረሐ መቅደረት ለአለቡ ነፈር ቱ። ሐቱ ዘዐቲት ተአስር እቱ ወእተ ዶሉ እብ ሐሩቀት ነድድ ወልትለለዕ። ወእግል ልብረድ ወለዐቅብል እተ ክምሰልህ ሐቱ ዘዐቲት ትከፍዩ። እለ ኖዕ እለ ምሰል ብዕዳም እተ ልትዓመል እቱ እዋን አዝዩትመ እግል ለአጅሬ ቀድር። ወለ ቅብላቱ ህለ ነፈር ክልዶል ለእለ ባሰሩ ትትቀዌ ዲቡ። ወምን እለ ወኬንመ ለመዛጃ ቀራር ሰበት አለቡ ዮም ለተአትቀዋቡ ዘዐት ሐቆ ሳምን ደግመቱ ምን ገብእ የምክን ኢተአትቀጽቡ። ህቱ ክመ እተ ናይ ዶሉ መዛጃ ቱ ለነብር። ዶል ለሐርቅ ወዶል ዎሮት ህዩ በርድ።

2 - ሰዱ ክም ትበጸሐ ለለሐርቅ ወእብ ቀሊል ለኢለዐቀብል።-

እለ ኖዕ ብዕድ ናይ ወድ

ለለቢብ “አዜመ ረአው” ቤለዮም። ወእግል አንፋር ለፈታሆም ምንልዐም ትትበገስ ዲብለ እግለ ለትመሰል ነብረ ዐገለዮም። ወእግል ረያይም መንካታት ናወለዮም። ዎሮቶምተ ከ ለመንካሁ እንዴ ሀረሰ ምነ መዲደት ጀቅፈ እበ .. ወአስክሉ ዲብለ ባኩ ግሉይ ለዐለ መለሀዩ እንዴ መደያ እሉ እት ለአሰቱ እበ አንበተ። ወእብለ ገበይ እለ ሕድ እት ለአትሳቱ ተማም ጸግበው ወረቢሆም እንዴ ሐመድው እብ ብጣራቶም ገበአው ..

ለለቢብ ሐቆ እለ እብ ብጣሩ እንዴ ገብአ እለ ለእብ ክልኤ ዕንቶም ረአወ ሕክመት እት ሸሬሕ እሎም ክም እለ ቤለዮም። “እለ ነብራለ እዲነ ዲበ እንዴ ተዐገለ ርሐ ሌጠ እግል ለዐጽግብ ለለሐሰብ ዶል ህለ ዳይመን ሰፍሩይ እት እንቱ ነብር። ወእግል ሐሁ እግል ለዐጽግብ ለለሓሰብ ህቱ ወለ ሐሁ እብ ሕበር ጸግቦ”።

ሚን አደም ቱ። ህቱ በታተን ኢለሐርቅ ወኢልትቀጽብ። ምናተ ሐርቀ ምን ገብእ ለቀጽቡ የምክን አስክ ሳምን አውመ ምን ወለዐል እግል ልጽነሕ ቀድር። ለሰኔቱ ላኪን ምን በዲሩ እብ ግምሽ-ግምሽ ለኢለሐርቅ ነፈር ሰበቱ ቱ።

3 - አዲግ ለለሐርቅ ወእብ ቀሊል ለኢለአቀብል።-

እለ ለትኬለመ ኖዕ ወድ ሚን አደም ቱ። ደለ ገብአት ተሓርቁ ምናተ ምን ቅሩብ ላቱ ኢለዐቀብል። ወእብ ሰበብለ እሉ ወዴክ ዐገብ ለእለ ሳሬክ ምን ትሳሬ ወለ እለ አሰዕተዘርክ ምን ተዕተዘር ሐራም እቱተ ኢልትከበተክ። ወሳምሔክ ወዓፈካመ ምን ገብእ እግለ አሰፍክ ወለ እዕትዛርክ እንዴ ትከበተ እንዴ ኢገብእ እብ ናይ ኖሱ ቀራር ሌጠ ቱ ለለአቀብለክ።

4 - እብ ቀሊል ለኢለሐርቅ ወአዲግ ለለዐቀብል።-

እለ ለሔሰ ኖዕ ወድ ሚን አደም ቱ። ለባበት ወሕክመት ሕላገቱ ተን። እለ በህለት ህቱመ ወድ ሚን አደም ሰበት ቱ ኢለሐርቅ በህለት ኢኮን። ምናተ ዶል ለእለ ተዕተዘር እሉታ እተ ዶሉ ለዐቀብል ወሳምሐክ።

ሰገ ወሊ ምን አውልዶኦ አላህ ኣል ሳልሒን ቱ!!

ነፈር ዎሮት እግል መለሀዩ ዐዙመት ወደ። ከለመለሀዩ ለዐዙመት ክም እለ እት ልብል ዳገምዩ። “ሰገ ዲርሁ ሐረቤኒ። እበ መረቅ ሌግ በለዕኑ። ወለ ሰገ ህዩ ሰበት አትዐቤኒ አደምኮ ምኑ። ሰኒ ጽኑዕ ዐለ። ምስሉ ትመዩኮ። ፈጅሪታመ ለግድርዬ ናይ ማሌ እሉ ገረ እዩ። እበ ማይለ መረቅ በለዕኮ ወለ ሰገ ላቱ ሰኒ ሰበት ጸንዐ ዲብዬ ሒለቱ ሐገልኮ ወእተ አካኑ ሐደግክዉ። ሐቆ እላመ ካልኣይት ላሊ ትመዩኮ ምስሉ። ሳዐት ጸቤሕ ክም ቀርበት እግለ ጀናሁ ለሰገ ማይ ውዴ ዲቡ ከትከዩ ቤለዩ። ክም ፈልሐ እተ ሐንቱዬ ከረዩ እዩ። አዜመ እበ መረቅዬ በላለዕኑ። ምናተ ለሰገ ላቱ እበነት ወዕጪት ሰበት ገብአ ዲብዬ። ሐብቲትመ ኢሀረሰኮ ምኑ። እተ አካኑ ሌግ ሐደግክዉ። ከእዴዬ ክም ተሐጽብኮ ግጥዐት ሐቱ እንዴ ሀረሰኮ ምኑ እበ እትጃህለ ቅብለት ከሬክወ ከእግል እትሰሌ ዲበ ተክቢረት ወዴኮ።

ለመለሀዩ እለ ክም ረአ “መለሀይ ሚ ትወዴ ህሌክ?” ቤሌኒ።

“እለ ሰገ። ሰገ ወሊ ምን አውልዶኦ አላህ ኣል ሳልሒን ክምቱ ኣነ ኖሰዬ እሸህድ እቱ። ሰለሰ ዶል እሳት አተ። ምናተ ለእሳት ላተ ኢበልዐቱ” እቤሉ።

ከእግል እትሳረሕ ምኑ ዶል ትከምከምኮ። ዎሮት ግዋሬሁ ለባብ ከርከሐ ዲብነ። ወክም እለ ቤለዩ። “መለሀይ። ኣነ ፈጅር ጋሻ እግል ልምጸአኒቱ። ምን ፈድለክ ለሰጋካ ሰልፈኒ። ሐር እግሉ ክም ኡብሸልክዉ እንሻላ አዲግ እበልሱ እትክ” ክምቤለዩ። ህቱመ ትም እት ልብል ናወለዩቱ።



ጊዜቶች ፈህም

? ሰ ሄ ል ?



ኬትባይ ችንወ አቼቤ

ሰ አልፎ አሰላም ወወለደኩም ሓይላም ወሓይላት መድልየት ጀሪደት ኤረትሮፖ ሐዳስ እብ ዓመት ወእብ ፍንቱይ መደልያይ ፈን ወዓዳት፡ አብ ዐገል አፍሪቃ ምንቱ? ወሰረቱመ ምን ትትረከብ እግል ተአፍጉረ እግልዬ እትከተል። ሹክረን!

ነበረ አድም ምን ኩልየት ዕልም ወእጅትማዕየት ዐዲ ቀይሕ

በሊሰ፡ርከቢ ኢትሰኣኒ፡ አሰክ እለ ሳዐት እለ ክም አብ ዐገል አፍሪቃ ለልትአመር ወድ ናይጃርያ ላቱ ችንወ አቼቤ ቱ። ህቱ ብዞሕ እብ ደረጀት ዐለም ለልትአመር ክትብ ክትብ። እግል መሰል ኦሮ ምን እመራም አክትብቱ Things fall apart ልብል።

ዐገል ዕጉላም

አሳናይነ

ምን ርኤነ እለ ፈርሐት ምን ሸአግነ ዝክረት 25 ሰነት ምን አዳወርነ ውልዋል ሕርየት ርቦዕ ዘመን እት ሕሸመት ሐበን ወዕለት ሰምነ ገብአት መሰደድ ንዓል ወልደ ረሀየት አሰናይነ ወአሰናይ እለ አርደት

25 ሰነት እግል ለገአ ርቦዕ ዘመን እግልነ ላኪን ሕሸመት ወሐበን ለዘት ነቢር እተለን 25 ሰነት ደሌናህ ላናይ አባን ርኤነ አዜ ረከብናህ ፍገሪት ሰላሰ ሰነት ንዓልነ አዜ ርኤናህ አሰናይነ ለደማር እብ ዐማር ምን በደልናህ

እሊ ሕነ ለክሉ ርእያም እግል ሰኒን እት ጽልመት ነብራም ምን አጅል ሐበን ሕረይ ዳፍናም እግል እስትሸሃድ ወዐማር ጎማትነ ባትካም እብ ተአሪክነ ምን ለዐል ክሉ ካብራም ሐበን ጸብሕነቱ ወድራርነ እሕትራም አሰናይነ ሕነ ለእብ ቅልጭምነ ማጽአም

እማት አማሰየ ፍጉርነ ዓረ አበች ሆርየ ውደው ዐድነ ዜደ ኬረ ሬዕየት ሓኩም ዓሉ ሸንጉሊ ወመቴለ ሐረሰቶትመ ሕረሶ በሉ ብልቱብ፡ ዕፉን ወማሽለ አሰናይነ ዐድነ ሐራቶህ ሰኔት ምን በዲረ

አሰናይነ የሀው ሸዐብ ዲመ ሐድራም ሰብ መስከብ እምበል እግል ዐማር ንጠባጠብ ምዶል ንትሐለል ወንሰብሰብ እምበል እግል ካልቅ እግል ኦሮት ኢንትሐሰብ አሰናይነ አሰናይነ አሰናይነ!!

ምን ዳያሪ


“ለጥበብ ሳበረዩ ለቅጠብ”

እንዴ የም ከም ህሌነ ገብእ? አሃ የም 18/4/2016 ሳዐት 8፡ 25 ቀ.አ ከረን ተማም። ለለአትፈክር ቱ አነ ምስለ ቀደም ሐምስ ሰነት ሐዲኩሀ ወናይ ዐስር ሰነት ፈታይቼ እት ገሌ ነኣይሸ ሓጃት ሰበት ኢትፈሀምነ እግል እትፈንተየ ቀረርኮ። ሰበት እሊ ዐቅደ እግል ሀበ ሰበት ከለሰኮ፡ ሕፍን እቼ እት እንተ፡ “እም ያዚድ አነ ወእንቲ ክላሰ አትመምነ ወሻምነ እትለ ታምም ሀለ፡ አነ ምስልኪ እት ብዞሕ ሓጃት እግል እትፋሀም ሰበት ኢቀደርኮ ፍንቲት ሓሪ ህሌኮ፡ ሰበት እሊ ቀደምለ ዓደት ሕድጎ እንወዴ ወነአውጅ አጀኒትነ ከፎ ክም እንወድዮም ንትፋሀም” እቤለ። እም ያዚድ ወልዬ ድንግጽት እት እንተ፡ “ክላሰ አብ ያዚድ እግል ንትፈናቱ ቀረርክ?” እት ትብል ሰኣል ወጅሀት እትቼ። አናመ እሱፍ እት እነ አይወ ናይ አክር ቀራርቤ ህቱቱ፡ አዜ ህግየ እንዴ ኢነአበዝሕ እሉም ክልአት ጅናነ ሚ ኒደዮም” እቤለ። “ሰማን ጅነ እግል ትውለድ በርናምጅ ክም ዐለ እከ ይእትረሰዕ ወእግል እሰዴክ ገለድ ባይአት እግልክ ሰበት ዐልኮ፡ አወል ለአጀኒት እሊ ኖሼ እግል ዐይሾምቱ፡ እንተ እት አዜ ምን እሲት ብዕደት ለትወልዶም ሰስ ጅናክ ረቢ ልሰዴክ፡ ፍንቲትክ ክብድትተ ላኪን እንተ ሰበት ጠለብካህ ጠለብክ እግል ይእካልፍ ወጀዕ ጅወቼ እንዴ ሐብዐኮ ክብትተ ህሌኮ፡ ሾከት ኢትርገዘክ፡ አዜ ክልኤ ፊነ እግል እትፋኔክ በክት ሀበኒ” ቤለተኒ ዕንታተ እት ጃምም። አናመ እብ ጅወቼ እት እትወጀዕ፡ ኮይሰ ሚተን

ለፊናኪ እቤለ። “ተማም አብ ያዚት አነ ምን ልብዬ እፈቱክ ወእንታመ ትፈቱኒ ዐልክ እብል፡ ላኪን አዳም ግብአትክ ሰበት ኢተርፈክ ጠባይዕ እኩይ እግል ለህሌ እግልክ ላዝም ቱ፡ እንተ ልብ እግል ትክሬ ዲቡ ኢትቀድር አነ ላኪን ክሉ አምሩ ወእጸውሩ፡ እንተ ላዝም ለሰስ ጅነ እግል ትውለድ እግል ትህዴቱ፡ ላኪን ለክመ እግልዬ ትወድየ ለዐልክ እንዴ ሰከርክ ኢትረብሸ፡ ክሉ ሸቅልክ ዲበ ኢተአጸግዑ፡ ቀደመ ኢትሰከብ እብ ሕንረር ሰካብ ኢትክለአ፡ ዴን ኢተአብዝሕ መምክን ህተ ክመ ናይ እግል ትድፍዑ ሰበት ኢትቀድር፡ ክመ አነ እንተ ዶል ተሐርቅ ለአትሓሌከተ እግል ተአትሓሌክ አድርሰ፡ እንተ መሸክለት ርሰዔ ሰበት ብክ ናይ ደቅጥ፡ ሰከሪ ወአዝመት ደዋክ ክመ ናይ እግል ትራቅብ እግልክ አፍህመ፡ ወለዓል ክሉ እት መጽእ ለሀለ ሸሀር እግል ቲደየ አምም ለዐልክ ዐመልየት ክለ፡ ግሩሽ እንዴ አቀደምኮ ዳፍዐተ እግልክ ሰበት ህሌኮ እንዴ ኢትትረሰዕ ወደየ ወአሰክ ተሐዬ ህይ ምስልክ ህሌኮ እግል እሳዕደካቱ። አነ ላኪን ናይ አወል ወአክር እናሰዬ እንተ ሰበትቱ እግል ርሕዬ እብለዬ እግል እንበር ፋርደተ ህሌኮ” ቤለተኒ። ክብጃ ክም ሞጅ በሐር ዐረረገት፡ ክሉ መሻክልዬ እብ ሰበት እም ያዚት ስቱር ክም ዐለ ለዶል ትፈሀሚኒ ወክም እም ያዚት እግልዬ ለትፈቱ ወተሐሰብ አንሳይት ክም ይህሌት የቀንኮ፡ ምስል ርሕዬ ሻወርኮ። አነ እትለ እድንየ እብ ሻም እም የዚድ እንዴ ኢኮን እብ ዓፍየት እነብር

ክም ይዐልኮ ተአክድኮ። ሰበት እሊ ምን እም ያዚድ መትፈንታይ፡ ሐያት መትፈንታይ ሰበት መስሌኒ። እት አክር ህይ ሰምሐ እንዴ ጠለብኮ ምስል እም ያዚድ ነቢር ሐሬኮ። አፍ! አልሐምድልላህ፡ እም ያዚድ እበ ናይ አክር ምስዳርዬ ርይሐት እት መስል ሐቱ ቅሰት ዐረብ ደገመት እግልዬ። ለቅሰት ክእነ ትመስል፡

“አሮት ሹም ወእሲቱ ሰኒ ልትፋተው ዐለው፡ እግል ሰኒን ህይ እብ ሻም ወሕሽመት ሐድ ምስል ነብረው። ሐቱ አምዕል ላኪን ሰበት አክተለፈው ለሹም ሰኒ ሐርቀ ወእግል ልሕደገ ሐደደ። ቀደም ሰካቡ ህይ እግል እሲቱ እንዴ ትላክ “ሰምዒ እንቲ ምን እለ ወሐር ምስልዬ እግል ትንበሪ ሰበት ኢትቀድሪ ዐቅድኪ ባጽሕኪቱ፡ ፈጅር ዐድኪ እግል ቲጊሲ ሰበትቱ ምን እሊ ቀስር ለለትሐዜኪ ሓጃት ምን አዜ አዳልየ አሰቦሕ እግል ቲጊሲ ሰበትቱ” ቤለየ ወአሰክ ዐራቱ ጌሰ ምነ፡ ለእሲት ብዞሕ ተሐሰብ ሐቀ ጸንሐት፡ እግል ሹም ለለአሰክብ ደወ እግል ተአስትዩ ቀረረት ወ ክም ሰታተ እብ ክጠት ክም ሰትዩ ወዴቱ። ጽብሕ ምድር ህይ ምን ሸቃለ አንፋር እንዴ ትላኪት እብ መጽዐን ዐደ እግል ለአብጽሕዉ አዘዘቶም። አሰቦሕ ምድር ክም ጽብሐ፡ ለሹም ክሉ ሓጃት ጆደደ ዲቡ እት አየ ህሌኮ እት ልብል ህይ ርሐ ትሰአለ፡ እት ቀሰሩ ክም ይህለ ተአክደ፡ ሓርቅ እት እንቱ ምንቱ እንሰር አምጼኒ? እት ልብል ሰኣለ። እሲቱ ሃድአት እት እንተ፡ “ሰምዐኒ ሹም ማሌ ምሌ ምነ ቤት ለለአትሐዜኪ ንሰኢ ቤልክኒ ወለለአትሐዜኒ እንተ ሰበቱ እክ ነስአኮ” ቤለቱ። ለሹም እብ በሰረ ሰበት ትረይሐ፡ በልሰየ ልትበሀል” ቤለተኒ። ናይ አማን ቅጠብ ለሳብር ጠብብ! እቤ።



ዱር ኤረትሪያ እብ ኤረትሪያን መቅባድረት ገምል



ዱር ኤረትሪያ ሰነት 2016 ለንበት ንኢሽ የም 16 አፕሪል ወ3ይ ህዩ ሚልዮን አማንኤል



ሳዐት 8.10 ደቂቀት ምን ፎሮ አስክ ግንደዕ ለገልበበ ናይ 113 ኪሎ ምትር ሪም እቡ ሕርበቱ ሸምከ።

እሊ እብ Northern Red Sea Challenges ለተአመረ ወናይ 1.2 ካታጎሪ በህለት ምቅያሰ ለቡ ጅግረ፡ ምን ድወል ወንዋዲ ለመጸው ፍረቅ ለሻረከው እቱ ዐለ። እብ አሳሰ እሊ ህዩ ምን ሩዋንደ፡ ሱዳን፡ ምስር፡ ኢጣልያ፡ ጀርመን ወኤረትሪያ እብ ሰለስ ፈሪቅ መሻረከት ትርኢት እቱ።

እትሊ ጅግረ እሊ እብ ዓመት 40 መትባደረት ሓድራም ዐለው። እትሊ ናይ ሰልፍ አምዕል ዱር መትባድረት ዐጀላት ሶዳን ምን ጽባብሐም እግለ ጅግረ መቅደረቱ ሰበት ሰአነው እት ልታረፎ ትርኢው። እብሊ ህዩ ለትሩድ ጅግረ ፍንጌ መተልህየት ኤረትሪያ ወሩዋንደ ተርፈ። ክም ፍንጌቱ እት ሰለስ መጅመ-ዐት እንዴ ትካፊል ሄራሮም አስክ ግንደዕ ዐለ።

እት ናይ ደንጎበ ወለት ሳታ (ናይ አክር ሸሪዋ ዐውቱ) እግል ልትአመር እት ፍንጌ ሰለስ ኤረትሪያን መትባድረት ለገብአ

ገብአው። እት ካልአይት መጅመ-ዐት



ምነ ዐለው መትጃግረት ለገብአ ብድረ ህዩ ወድ ርዋንድ ያን ክላውድ እብ ሾላተ ራብዓይት ደረጃት ጸብጠ።

እት ካልአይት መርሐለት ዱር ኤረትሪያ እት ከብድ መዲነት ባጽዕ ለገብአ እብ Massawa Circuit ለትአመረ እት ገብአ፡ ሐየት ጅግረ ዐጀላት አፍሪቀ ወሐየት ዐጀላት አፍሪቀ ለትሰመ ተሰፎም ዑቅጣጣርያም እት ናይ ሰነት 2016 አወለይት ዐውቱሁ እትሊ ካልአይት መርሐለት አከደየ።

እሊ 117.7 ኪሎ ምትር

ለገልበበ ጅግረ 2ይት መርሐለት፡ ተሰፎም እብ 2 ሳዐት 48 ደቂቀት ወ24 ካልኢት አትመመዩ። ግራሁ ካልአይት ደረጃት ለጸብጠ የናታን ሃይሉ እት ገብአ ሳልሳይ ህዩ ሚሮን ተሾሚ እንዴ ገብአው ምን ሰልፋይ አስክ ሳልሳይ ለህለየ ደረጃት ጸብጠው።

እብሊ እት ሰልፋይት ወካልአይት መርሐለት ለገብአ ጅግራታት ኤረትሪያ ምን 1-3 ደረጃት ለህለ አካናት እንዴ ጸብጠው ዝያድ ብዕዳም ዳምቃም ህለው።

እት ሳልሳይት መርሐለት ጅግረ ዱር ኤረትሪያ እት አቅሊም ጋሽ በርከ ለትገብአ እት ገብአ፡ እብ በራር ጋድሞታት አቅሊም ጋሽ-በርከ ወእብ

ፕሪመርሊግ እንግሊዝ ሌሰሰተር ሲቲ ትሸልተፈ

እት ሐልፊን ሰነት ለገብአ ጅግረ ፕሪመርሊግ እንግሊዝ እግለ ሊግ መርሕ ለህለ ፈሪቅ ሌሰሰተር ሲቲ ምስል ዌስትም ለወደየ ትልህየ እት 2 እብ 2 ሰነት ፈግረ ምን ወዲቅ እብ መሸልታፍ ሐልፊቱ።

ለሰተር ምስል ዌስትም ለወደየ ትልህየ እት እት ቀደም ስርፍ ሐቱ እብ በኢ እንዴ መርሕ ስርፍ ፈግር እት ህዩ ግራሁ ሐቅ ስርፍ እት ገብአት ትልህየ ፈሪቅ ዌስትም እብ ትሉሉይ እት አክር ደጋደግ ጎል ሰነት



ኢታ ሌሰሰተር እግል ልትቀለብ ክምቱ ክሉ ተክህደ።

ምናተ ለቅልብ እብ መሸልታፍ እግል ልትለፍ ቀድረ። እት ተህዩበዩ ወክድ ዝያደት ጎል እንዴ ኣተ ምን ክሳረት 3 ንቅጠት እት ክሳረት 2 ንቅጠት ትሸልተፈ።

እት ፍንጌ አርሰናል ወክሮስትያል ፓላስ ለገብአት ትልህየ፡ አርሰናል ምስል ክረሰታል-ፓላስ 1 እብ 1 ሰነት ፈግረ ምን ማን ሲቲ ሳልሳይት ደረጃት እግል ልንዘዕ ኢቀድረ።

እት ፍንጌ ፔልሲ ወማንኢቲ ለገብአት

ትልህየ ህዩ ማንኢቲ እግል ፔልሲ 3 እብ በኢ ቀልበዩ።

ፍንጌ ሊቨርፑል ወሮንዋውዝ ለገብአት ትልህየ ህዩ ሊቨርፑል እግል ቦርን ሞውዝ 3 እብ 1 እንዴ ቀልበዩ ሰለስ ንቅጠት ምሆማት ክሰቡ።

ሰታት በርሰ እብ አትሌቲክ ፈርሰ

እትላ ሰነት እሊ እብ ሰለስ ከዋክብ መተልህየቱ ሰኒ ሂሩር ለዐለ ፈሪቅ በርሰ እብ ፈሪቅ አትሌቲክ ማድሪድ ድሬዕ ሕልሙ ትሰበረ።

እት ታሪክ በርሰ ፍንቱይ ታሪክ እግል ልሸቀው ፍሩራም ለዐለው ከዋክብለ ፈሪቅ ሚሲ ኔይመር ወስምሬዝ እት ናይ ዐዶም ትልህየታት እስሙናም እንዴ ዐለው እት ሰግንዩ ክም አቅበለው እብ ትሉሉይ ሰለስ ወክድ አሰር ሕድ ፈሪቀም እት ለሀግግ ለዐፍወ ትርኢው።

እብሊ ህዩ ለእት ደውሪ ሳሊገ ለዐለት እግሎም ማርሐት እት ሆንቀላቃል ትትከሬ እት ህሌት፡ ምን ድውሪ ሓየት አርብ እግል ልትገለፎ

ቀድረው። አትሌቲክ ማድሪድ እሊ በርሰ 2 እብ 0 ሰነት ቀልበ እት ተሌ ርቡዕ ትመማትላ ትልህየ ሓልፍ ህለ። በርሰ ሳኪን ድፍዑ ሰበት አፍረሰ ምን ሚዳን እት ልትሐመዋ ፈግረ።

እሊ ክእነ እት እንቱ እት ሰነት ለገብአ ጅግረ ሳሊገ እግል በርሰ ጸልዑ ለሰፍፍ ይዐለ እት ቀደም 89 አልፍ መትፈርጀት ምስል ሻለንሸዩ ለወደየ ትልህየ 2 እብ 1 ሰነት ትቀለበ እብ ትሉሉይ ራብዓይት ዶል እግል ልክሰር ቃድር ህለ።

እሊ ክሳረት እሊ እግለ ግራሁ ለዐለው አትሌቲክ ወርያል ማድሪድ ፈርጎም እት ደሀረ ንቃዋ እግል ልክረወ ሳድሆም ህለ።

ፈደሬሽን ኩረት እግር ኤረትሪያ ገማም ሸቅሉ ወደ

ፈደሬሽን ኩረት እግር ኤረትሪያ ወራታት ርያደት ሰነት 2015 ክምሰልሁመ ወራታት ርቡዕ ሰነት 2016 ጌመመ።


ለእት የም 7 አፕሪል ለገብአ ገማም እት መክተብለ ፈደሬሽ ለገብአ እት ገብአ፡ ወካይል ፈደሬሽን አቃሊም ወአንፋር ለጅነት ተንፊዝየት ፈደሬሽን ክምክም ዐለ።

ለመሸተርከት እት ቀርብ ተቃሪር ሰነት 2015 ክምሰልሁመ ናይ ርቡዕ ሰነት ሰነት 2016 ሰምዐው።

እት ደንጎበለ እጅትመዕ አንፋር ተንፊዝየትላ ፈደሬሽን ኩረት እግር ኤረትሪያ፡ እት ሀበወ መምርሕ ክል ልጅነት ፈደሬሽን አቅሊም ርሐ እንዴ ቀድረት እግል ቲጊስ መካትብ እግል ተአደቅብ እንዴ ሐበረት፡ እት ክል አቅሊም ለህለ አፍርዐት ዓዳት ወርያደትላ አቅሊም ምስሉ እንዴ ትመሳኔት እግል ትሸቄ ወእትላ ሰነት እሊ እግል ለህሌ ሰቱት ለህለ ተአሂላት እግል ልትህየብ ልብል ዐለ።

እብ ክሰሰ ጅግረ ህዩ መጃግረት አንሳት እት ኩረት እግር እግል አከዶት እብ ትሉሉይ እግል ልትከደም እቱ፡ ወናይ አቅሊም ሊግ ለኢአንበተ አቃሊም እግል ለአንብት እንዴ ትፋነው ጌማምም አትመመው።

ዕ/ዓ/ፈ/ክ/እ/ኤረትሪያ



ሐቆ ቅያብ 12 ሰነት ለፈጣኝ ሻብ



እግል 12 ሰነት እንዴት ኢፈጣኝ ለቁብ ስቴቭን ማርትን ቢሰብርዮሰ ለትብህላ ሻብ አፍሪቂ እሙ ትትዳዩና እት ህሌት ሐሰ እበ።

እሊ ሻብ እሊ እትለን ሰኔታት እለን እግል ልሕሰሰ እብሊ ህዬ ከፈፍል ገርቡ እንዴት ሐረክ እግል ልፈርግ እግል ልትሃኔ ወልፍጠን ቀድሮ ኢዐሉ እብላ ሓላት እሊ ህዬ ፅምሩ እት 24 ሰነት ክም ትወቀለ ፅምሩ ምን ፊመ ምን ቅያብ እግል ልፍጠን ቀድረ።

ጀሪደት ኢንዱፕንዲንት ናይ ብሪጣንያ እት ሀቡቱ ተቃሪር እትለን ለሐልፈሪ 12 ሰነት እብ ለገብኡት ሓጃት ፈጣን ክምሰል ኢዐሉ እንዴት ወደሐት። እሊ ሓላት እሊ ህዬ ክል ወራቱ እት እግሉ ለታብዮ ዋልዴት ክሪት ሰበት ዐለት ክም ጸልጸው ዋድዮቶም ዐለት ትብል።

እብ ሰበብ እሊ እሙ ለሓላቱ ምን ማሸገት እት እንተ ያሬት ምን እሊ ሓላት እሊ ማይት ወገብኡክ እንትብሉ ሰበት ሐሰሰ እት እት ሐያት ዋልዴት ተአሲር እኩይ ዋዴ ክም ህለ ክምሰል ፈጣኝ አመረ።

ምን ዐጃይብ ሰነት 2016

ጀሪደት ኒውዮርክ ደይሊ ኒውስ ክምሰለ ሐበረቱ። ሐቴ ጂልያን ዊትሞር ለትብህላት ወለት እብ ሰበብ ሕማም ውርስ 40% ዐጭሞታት ገጽ ናቅስ እት እንቱ ትወለደት። እሊ ብቆት እሊ እግል ባልሓት ህዬ ሐካይም እግል 45 ዶል ዐመልዮት ገጽ ክም ወደው እግል ትወደሐ።



እሊ ጂልያን ለትብህላት ሻቡ። እት ውላዮት ፍሉሪደ አሜሪካ ለትወለደት እት ገብኦ። እሊ ህዬ እት ወርሕ ማርስ ናይ ሰነት 2003 ቱ።

ለወለት ትትወለድ እት ህሌት ለሐሰት ለሐዘት እግል ዋልዳይት ምንመ ዐለት ዋልዳይት እንዴት ወልደት ዶል ርኡት ህዬ እት ሐያት ለእኩ ሐዘን ለትሰምዐየ እት ኢነት ገብኡት። እግልሚ ክእነ ለትመሰል ወለት እግል ትውላድ ትትጸበር ሰበት ይዐለት።

ክምሰለ ሐካይምላ ወለት ለሐበረው። እሊ ሕማም እሊ እብ Treacher Collins syndrome ለልትአመር እት ገብኦ። እብ ገበይ

ውራሰት ለመጽእ ሕማም ቱ። ፍንቲት እሊ ሕማም እሊ ምን 30-40% ምን ዐጭም ገጽ ለጀግልብ ሕማም ምን ገብኡት።

ክምሰለ እት ጀሪደት ክትብት ለህሌት ሐብሬ። እሊ ታሚ ለትብህላት እመ ምሰል ብእስ እንዴት ትገሊት ወተሐይስ ተሐምቅ እንዴት ትበሃህለው ለልትሐዘ ማል እንዴት ደፍዐው ወለቶም ግርመት ገጽ እግል ለእሱት እት ነሰኦው ምስዳር 45 ዐመልዮት እት ከብድ 11 ወርሕ እንዴት ወደው እግል ሸውዮ ክም ትትሸባህ ወደው።

እሊ መትሸብሆት እሊ ህዬ ክም ትትፋህመ ወእብ ህግዩ አሻይር ረከዩ ክም ሸርሕ እንዴት ወደዩ እት ድዋርም ለትትረከብ መኣንብታይት ደረጀት እት ክም ትትሓበርመ ለወደ ዐለ።

ቅሰት እሊ ወለት እሊ እት ምልእት እዲን እብ ገበይ ሸበክት ሐብሬ እጅትማዕዮት ሰበት ነሸረት ከብቱ ራክበት ክም ህሌት ቱ ለልትወደሕ።



ሐካይም ከወረጠ ሐሣብ

ሐቴ ኢያ ለትብህላት ወለት 10 ሰነት ምን አልጀዛር እብ ሰበብ ሰቃፊ ለህላ ሕማም እት ዐድ ለህለው ሐካይም መሲሩ ሰበት ቀወ እቶም እት ድቁጣት ነፍስ ካሪሆም ልትረከቡ።

እሊ ወለት እሊ እት ክል አምዕል እብ አፋህ ጭገር ጠርሹ። እሊ ቴልል እሊ ህዬ ለፈሰረ ሐካይም ሰበት ኢትረክ እግሉ። ዐደ እት ዐድ ለህለው ደካትረ ምንመ ገለው እቡ አምረ ሰበት ትደቀብ እቶም ወእብ ሓላት ሰበት ከጅለው ወእብ እንክርመ እመ እግል ለኣትሳጅዮ ሰበት ሐረው” ወለትኪ ድቁጣት ነፍሰዩ ሰበት ወዴት ክል-ዶል ወእብ ፍንቲይ እት ላሊ ምን ጭገር ረኣሰ እት ናጭጭ ትውሕጡ ህሌት” እት ልብሉ እመ እት ቃቾ ልትረኣው ዐለው። ምናት ለሰበብ ህቱ ኢኮን። እሊ ወለት 10 ሰነት ላት ወለት ክል-

ዶል እብ ድማናይ ክፈል ገርብ ወጀዕ ትሩድ እንዴት ልትሰመዐ ዐሉ ለትፈናተ ሕብር ወቅልዔ ለቡ ጭገር እብ አፋህ መጭ ልብል ምን እት ህሉ ፅንታትለ ልርእዩ ለኢተኣትአምን ሓድሳት ትትርኡ።

እትለ ሓላት እሊ ዶል ገብኦ ርሐ እግል ናሰ ለጸብጠ ተሐዘ። እግልሚ መጸጸተዝያደትለ ትምሕጽ እም ሰበት ገብኡት። እትለ ኢነት እሊ ሆንደንት ልብ እት ሐቴ ደቂቀት 228 ዶል ተሆንደግ እሊ ህዬ ምሰል ዎርት ዐፋይ ነፈር ትትዋገም እት ህሌት ዎርት ዐፋይ ነፈት እት ደቂቀት ሆንደንት ልብ 72 ዶል ዘብዮ። ሰበት እሊ እግል እሊ ሓላት እሊ እብ 3.2 ዶል ለዐጽፍ እቱ በህለት



ቱ። እምበል እሊመ እብ አፋህ ለፈግር ጭገር እት ንሳለ ለልሐድጉ ምር ምን ዐንደል ሰበት ልትመክሪህ እት ቦለል ሰበት ካርየ ወልዐዘበ እሊ ምን እግል ትትባሊሕ እንዴት ትቤ እብ ትሉሉይ ዝያድ 30 ሐለቂተት ሰበት ትውሕዋ እት ብዕድ ሕማም እግል ኢትትካሬ ዋልዴና ፈርህት ዋድያም ህለው።

ዐውረትክ ሌጠ ለሰትር ልባሰ እት እምትሓን

እሊ እት ለህሌን እዲን እት ሸቅል እግል ትርከብ ገብኡክ ምንገብኦ እንተ ምን ክም እንተ እብ ኢከሰስ እምትሓን እንዴት ወዴክ እብ ክሰሰለ ሸቅል ለህላ እግልክ ፈሆም ወእት ምክ ለህሌት መዐሉመት እብ እንዴት ትመዘንኩ ለትሐልፍ ወእግል ሸቅል ለትትሐሬ።

እት ብዘሓት ድወል እዲን ዕስክርየት ምን እብ ማህዩተ ለትፈተየ ሰበት ገብኡዩ። እትለ ምህንት እሊ እግል ትእቱ ብዘሕ እምትሓናት እግል ቲዴ ትትቀሰቡ። ምናት ለእምትሓን እብ ናይክ መቅደረት

ለትብላሳቱ መእብ ሰዳይት ብዕድ ወሳይል ልትደሌ ሰበት ኢገብኦ። እሊ እምትሓናት እሊ ለትአዳሌ ጀህት

ናየ በሰር እግል ትባሰር ህለ እግሉ።

ሆንድ ሐቴ ምን እብ ብዘሐ እት ወክድ እምትሓናት እብ ነግል ለትትጀረስ ዐድተ። እሊ ምን እግል ትትባሊሕ ህዬ ብዘሕ በሰር እት ባሰር ትትረከቡ። እትለ ኢያም ቅሩብ እት ውላዮት ቢሃር ናይ ሆንድ እግል ዐስክርየት ልትሆብ ለዐለ እምትሓን እቱ እግል ልሻርኩ ለመጸው 1000 ሻብ እት እምትሓን እግል ኢልንገሎ እንዴት ትብህለ እምበል ዐውረቶም ለልሐብዕ ልባሰ (ክሲ) ብዕድ ልባሰም እግል ለአፍጉሩ ተአዛዝ ሰበት ተሆነዮም።



እብ ብራቅም ለሀይክ ምን ለሀይ ሐድ ክልኣት ምትር እንዴት ፊመ እት ከደን ብራቁ እምትሓናቶም እት ወዱ ትረኣው። እሊ ህዬ ምን እብ ገበይ ልባሰ ለመጽእ ነግል ወእት ከብዱ ለልትሐበሰ አጅህዘት ለባልሕ ዐለ።

ክልኣት ወቀይ እት ሐቴ ኢነት



ትጸዐንክ እግል ኣለት እት ሰውግ ተሐርከ። እሊ ገበይ እሊ ህዬ ለሐጸቢት ምን ሐረከትለ ኣለት ጣቀት እት ረክብ እብላ እግል ልባሰ ክም ልትሐጸብ ወእብላመ ህዬ ርያደት ክም ወዴ ለትሰዴካት።

እብላ ገበይ እሊ ህዬ እት ሐቴ ኢነት ብዘሕ ወቀይ እግል ትሰርግል ዐባይ መቅደረት ህሌት እግልከ።

እሊ ምን ሐረከትለ ዐጀለት ጣቀት ለትረክብ ቀሳለት እት ድዋር ምንገብኦ ወእቅትሳድ ዶረ ሐዋን ኢገብኦ።

እሊ ምህዞ እሊ እት ዐዳገ እግል ልትከሬ ቃድር ምንመ ይህለ እብ ብዘሓም ሰብ መቅደረት ቱክኖሎጂ ከብቱ ሰበት ረክቡ። እትለ ኢያም ቅሩብ እንዴት ተሓይስ እት ዐዳጋታት እግል ልትከሬ ሰአየት ገብኦ እቱ።

ዎርት ሐሸም ምን ደረሰ ቻይነ እግል ሰልፍ ኢነት ክልኣት ወቀይ ለተአወቁ ኣለት ሐዳስ መሀዘው። እሊ እብ ዐጀለት ሐጸብ ልባሰ እንዴት ቤለው ሳምያሙ ለህለው ምህዞ። እብ ሸክል ዐጀለት ለትመሀዘት ኣለት እት ገብኦ። እት ከብደ ልባሰ ለልትሐጸብ እት አካን ለበ ሰበት ገብኡት ለልባሰ እብ ሳቡኑ ወማዩ እት አካንለ ሐጸብ እንዴት አቴካሁ እት ሸክል ዐጀለት ጸብጠት ለህሌት እንዴት

እምበል እሊመ ሐቴ ለትትሐረክ ዐጀለት እግል ሕጽቤ ልባሰ እዱልያም ህለው። እሊ ህዬ እብላ እንትትሐረክ ወቀረድክ እት ተአገዴ በክት ለትሀይበክ ሰበት ቱ። ርያደት ሕጽቤ ወጋሪትክ እት ሓቴ ኢነት እንዴት አትመምክ እግል ትዓርፍ ወብዕደት ወራት እት እግል ትትብገስ ለትሰዴ ጋብኡት ህሌት።

